

説神楽

到榜種電





熙朝軼事序

者亦皆收之簡牘枝史叢編溢字充棟然而懷瑾之 之記所以補綴文獻者也然而夷考千秋遺逸之流 矣是以高士逸民之傳所以闡揚隱淪也雜官 夫史有關文歷代之所不免野有遺賢聖世亦循 彬咸有表章至如委巷下里之中一善一藝之可錄 無傳於經籍况下此者之埋沒草野泯泯寥寥又何 登諸史乘名垂來許者能幾人也夷逸朱張之徒尚 可勝言哉惟 我 本朝文治休明臺閣山林赫赫

犯,明失耳

序

潛光欽華每多韞櫝而藏之操觚之家廣搜博採

車

事之所以作也卷中所載若而人俱是隱於問井 ূ 有遺珠之歎焉此有志者之慨然與感而熙朝 軼

处 之如 蓬蒿既無施措於當時又不馳騖於名場本未終 幸而遺傳者有如文豹之過管偶得一班亦足動 何雖不得其梗概而其一節一能片言隻字

熟 土之中高風 心目推 測之哉惜乎利器而不遇盤錯鬱鬱沉埋於塵 此 雅韻 以 論則之人之非熊非熙非惠非夷復 雲烟俱化而所不泯者惟有翠

零金焦桐餘響托知音於身後發幽光於泉 可慰 夫真漠之際 而與榮於嚴穴之間矣將 下

以,历失事 致力誠可感也吾當往質于太史氏以備文獻之闕 撏撦墜緒俾已漫之蹟得復著于世編之者之苦心 屬余一言顧余之言何足重輕乎是卷哉蒐羅散佚 丙寅仲夏正憲大夫禮曹判書南秉吉序 漏云蘭 序

四草車雪川 丙寅州夷並 香運料 力減再進也 た頭念 他已被这 X 这言何思言經承是称尚慈經 當種競子太忠民以 題或给書商果書房 發展獨議中海海為海 衛班線 THE RESERVE OF THE PARTY OF THE


高斗杓	李震華	李亨翼	鄭六同	尹明相	朴泰星	韓舜繼	卷上	熙朝軼事目
安光洙	安龍福	吳孝誠	金忠烈	朱奎輝	次	劉希慶	明初初	銀
林俊元	崔老	姜孝元	朴義	白大鵬	金重鎮	鄭潤	自光发	金組織
李得元	洪世泰	田滿車	金禹錫	文紀房	金益春	金昌國	雄光一	全型基
	安光洙 林俊元	安龍福 崔老	安龍福 崔老	安光珠林俊元安光珠林俊元	安光珠     林俊元       安光珠     林俊元       安光珠     林俊元	洪次奇     生產輝       安龍福     女童       安光洗     林俊元       安光洗     林俊元	超 劉希慶 鄭潤 星 洪次奇 金忠烈 朴義 吳孝誠 養孝元 伯大鵬	<ul><li></li></ul>

李益成	林熙之	金鳴國	鄭芝潤	鄭民秀	金洛瑞	石希璞	卷下	朴永錫	白胤者	国車車一
庾纘洪	田琦	秦再奚	李壽長	朴允黙	張混	李彦瑱	交館配	李最濬	韓以亨	
金鍾貴	白光炫	金弘道	嚴漢朋	李至和	王太	李亶佃		金派	李夢鯉	
金聖基	趙光一	崔北	曹匡振	金弘遠	趙秀三	千壽慶	· 共 世 未	李穆元	崔天翼	

1		,	The same of the		J. Wind	Charles and the second	Since he was a
以月失三月日錄			嶺東義婦	嚴烈婦	翠梅	庾世通	劉雲台
日錄				河節婦	安峽孝婦	申斗柄	曹生
				李孝女	金家母	文金生員	廉時道
				蓮紅	高節婦	吳孝婦	金壽彭

. . .

• •



			A final in the second second second second second		and the second	and the second control of the second			ar and the same of the same of	and the first court of the second of
以月失 三 書目	i i	世洪春	恭豐	集成中北	集祖金	<b></b> 稍一	<b>浩</b> 著獻	集命齊著	公私聞見錄鄭東平尉	抄撮奉書目錄
	上	浣慶集鄭學官	記	懋雅	淵泉稿與文簡公	單 上	轍文	胤介源文	雷淵集南文清公	

	国	斐然箱抄張玉山	齡金養	兼山筆記劉在	熙趙	墙卷	秉徐	原本事
		1	室集	記書基	運下	記異種	集調	

NUMBER OF STREET

熙朝軼

一舜繼

李慶民

古之隱者類多隱於市薛公賣膠隱於邯鄲市韓伯

休賣藥隱於長安市嚴君平賣卜隱於成都市彼

器何也及考市隱韓先生舜繼之為隱也則知其

志與世長辭則山巔水涯其隱也乃自甘鄙事隱於

販

心 呼 觀於此而驗其隱之高也先生字仁淑 未始屑屑然自見其隱又何市與匪市之擇哉嗚 宣 一祖時

人始籍交河中世徙居松都事母至孝病甘餪不給

以月失年一公上

範銅為市其為器精緻價且不貳買者日之先生之 市而不之他匠他匠往往失利先生即日利其可專 盡金也即掇其皷鑄托以銅麤悉收還其主於是先 乎讓不之自居當購銅鼓鑄有金躍於爐諦視之銅 爐冶型範終身不復向市是先生之市以母故市也 生之為市不違於道而售其直僅取足母養有餘則 頒諸族成之貧者及母殁先生三年不鹽菜盡去其 而為詩多奇偉可誦者徐花潭敬德知先生可與沒 生雅 恐懼 業於市然律已甚嚴家人有過不與之言使 畏服夜 則張燈爐側讀古人書其有意會發

異人之死固有異於人也贈司憲府持平 滿室三日乃滅四耐翁安慶昌與先生相友善歎 正兵日分當然也是先生之隱以分故隱也先生年 民之分也民不征役惡乎為民哉復以其三子屬之 聞于朝請蠲征役先生日不可有戸則征有身則役 文成公珥成文簡公渾常以道訪之傾蓋至日吳其 道要入山講劇先生辭以母老一時賢人君子如 稱市隱自兩賢發之也留守鄭彦智將以先生行治 十九沒沒之前告家人期沐浴正席恬而逝赤氣

以月失了一天

劉希慶

哀之作土字墓側養粥勸之事母至孝母病 門真車引 古今之變遂以善治喪名 夙 劉希慶字應吉十三而孤負土以葬仍守不去隣 知 岡 夜其側未嘗少解問取所藉席出東小門外 辰倭 其制 彦經受文公家禮尤明於喪制博考典禮以究極 而曝之嚴石坐其傍讀書見者異之嘗從南 者乃召公裁之士大夫家有喪必請 亂 為志予用嘉之 事 羌 聞 車 駕 西幸公即涕泣慷慨號聚義 宣廟下教褒賞日希慶 時國家多難記使 國喪議用質殺 關惟奮義 久 而無能 帖席 、執禮 川 僧

心月失了一次 愛山水家在淨業院下即其溪上壘石為臺名之日 人謂公之賢能使燁失其猛云公為人恬靜寡欲性 甚殺人如草公子見忤燁將殺之問知爲公子釋之 之公對日小人有母急於養未暇及公之門及 祖反正大臣以其節聞特 不肯素與爾瞻熟至是絕之出而遇諸塗爾瞻怒責 李爾瞻謀廢 公問及是諸公高其節義益敬重之朴燁爲義 人問計事可集竟得其力以此賞階通政戊午途 費甚多而戸部罄竭宰相有憂之公請召自仁豪 母后脅諸父老投疏違者刑而公獨 命陞秩始公以禮稱諸 州

枕 强土 臺詩帖是也永安尉洪公日來訪 數出嘗使人往 夫咸造其臺上唱和歌詩競相傳玩世所謂枕 存人識之日此劉某手植云公年既高而神骨甚 傍 一卷一几一罍坐臥其中嘯詠終日以自適自 其為詩閒淡近唐思庵 植桃 夫有為金剛之遊者要以先導則輒勇往 輒 慕靜庵之賢道峰書院之期也公實經 10 柳 禁臠後地入禁中為都摠府而松 数十株每春時紅綠照爛川谷公手 視則見與一老 叟對坐盤松之下 朴相公亟稱之公卿 仁穆王后 聞

之以大產陞嘉義後用子逸民原從熟贈資憲大 漢城府判尹公卒於崇順丙子得年九十二有子五

集柳下

鄭潤

自備飢寒是以潤四十時視希僑已獲落也所居室 飲食衣服之奉不失時而顧工於婦人故終希僑身 年十七生潤而婦早死潤以貧故亦不娶潤多手技 離山下老死不出山以故鄉人諡曰東里先生希 食未嘗無魚肉衣縣絮甚安適也潤拾橡栗編木葉 東里先生姓鄭名潤字德公父希僑父子偕隱於俗

识明失声

公元

四

書先秦漢魏之詩史傳子集懸誦無一 善論策潤工詩賦邑子弟有造請受業者使之坐隴 書以室潤希僑輒標之日止吾寧可無子息不可無 方丈蓄書千餘卷書處倍于人潤少時或勸希倚鬻 置 耕樵釣弋必以書隨夜則荆薪繼明既而處夏之 書蓋希僑不獨好書之癖亦重其世傳也及潤長 第自苦若是希僑笑日科官豈可耕且為哉問者 筆 其高也希僑死時年八十餘潤且七十其純飲 躬治而不假人盡以書殉之廬墓終喪不復耕 硯田間耦耕既撤而篇已成矣人問何不 字失焉希僑

釣日親不在吾不憂云食惟噉草根飲水而已臨死 其伯姑兄弟之子葬父塚旁潤亦年八十矣秋蘇

金昌國

撻其妻其妻亦悔泣無怨意東俗每歲首必詢命於 不言而涕自是目齋沐禱摩尼之神風雨寒暑未暫 人書以自娛事父母至孝其食飲或不戒有沙石 金昌國者江都人也家貧謀鎮撫使親校時夜讀古 下先生者昌國問父命脩短占云不出一紀昌國

以月失了一天亡 國十年濟父命贖之純孝也朝廷旌其問日海東黔 解一日二禱焉過一紀父不死郡國報朝廷日金昌 五

原 朝 東 東 川 州 州 州

妻 稿 齋

朴泰星

烏乎用吾情請追服母難之日若父不幸早死吾忍 孝子老居高陽之清潭清潭人稱其居為孝子洞孝 科孝子泰星其先密陽人少居漢城漢城人謂之朴 子生三歲父殁稍長點告母生不承 若故若為死者死孰若為生者 顏殁 生幸而至於 執

服

願遠

軍

肉啜館者三

年

母亦

復强

母當

衣帶而養粥必親養

獨生者有辭

抑死者不死孝子涕泣敬受命

以月失豆一人於己 從之者 而 財無私畜 年 哭則鳥從 名李槎 不敢 於道居之晏如也 風雪不廢山蹊危嚴多奔深叢密人烟曠絕猛 袒成經衰且杖如 而母殁母殁之十七年為父殁之歲之父墓成 四年 為嬲有鳥與孝子偕鳴止有常處孝子激然 歸 用不為概事必禀而後行奉養母四十 沒齒 川灣閣老為賦異鳥詩既再春謂諸子 成 而噪哭止噪亦止鳥鶴身鳩色人竟莫 村觀察使將辟致幕下孝子固辭 於阡雕之傍庶有爭於是有徙 每霜晨月黑 始 喪廬於山下日再上塚悲號 、獨行顧 六 影肅然 鬽

閭 縣 官 孝子踧然不敢當客譬之目 為平析之孝子與焉耻以不義得辭不受孝子貧 三日吾聞諸李君寅錫孝子婦家饒於產有健訟者 子弟乃共成之旌日孝子朴泰星之門嗚呼懿哉 訪草野節行卓卓者高陽守臣以孝子聞命表其 獎布汞不 而許之時 後百事可做斯人豈噉名者哉朱夫子謂追服意 可為訓於後世也者而人有所了 合禮 掩髂其潔身勵操乃如是士必臨財廉 上在位二十一年敦孝理使八道郡 而曰近厚為其不可為訓於後世 君命也不可違鄉

者孝子有之矣孟休撰

洪
大
奇

童子洪欢奇忠州老隱洞人也方在腹父寅輔坐殺 人緊獄及乳數月母崔氏將訟冤詣京師次奇養於 仲父父呼仲父不知為寅輔子也甫數歲與奉兒戲

聞者莫不異之家人見其然恐傷其心愈諱其父事 家人惟之後人從邑中來證其日即州官訊四日也

忽驚啼不食姆問其故不應良久乃止如是者月

面乃使家人告以實携至獄門次奇抱父大哭遂居 至十歲父念年老無出獄期恐一朝命盡不得見子

识明失事一家上

邑中不去負薪易米以供父居數年崔氏屢上言不 報客殁於京既返葬次奇辭父日母訟父冤未遂飲 恨 而殁又無長成子兒雖幼非兒去誰復脫父死者 泣 下按使又不報次奇即留京不歸明年夏 其弱 諭中外理重四次奇伏關下遇公卿赴朝者 其頭以去蝨判 爲之惻然 冤 不許次奇脫身潛行遂徒步入京撞申聞 可否間 凡十餘日觀 勅 按臣詳閱以聞按使 刑部尹東暹因議囚入 者無不感動往往持飯饋 會大

此月失了 之始不偶然古之殉於孝者未有若是其烈也悲去 耳溪 舉手祝天者三躍然起而舞曰父活矣父活矣遂仆 驚覺目信耶豈寬我耶乃讀示判辭次奇即開眼視 省時為夢語日吾父活耶及赦下傍人呼告之次奇 奏次奇叉疾行先驛未抵京百里疾作從者勸少留 也次奇冒盛熟走三百里詣使司號泣丏父命及具 不能言是夜次奇竟死時年十四遠近聞者莫不為 次奇不可擔到即力疾復伏闕痘瘡大發四日已不 流涕生於父入獄之年死於父出獄之日天之生 1 % 1

開車車事

金重鎮

歲知讀書過目成誦常在父母側當食必侍坐視其 金童重鎮問巷子其父日學萬生無庭塾之訓而五 學大就出語警拔老宿皆逡巡歎伏一 **遘瘸護視累夜不交睫及喪哭不絕聲** 中孝悌之道灑掃之節皆慕而行之孜孜若不及詩 飽與否寢則撫席冷煖祭先之日與長者偕齋沐 2 2 禮 一日乘其假寐故不言重鎮終其日不食凡書 如成 人既葬告其父日 見平日未當須 時 稱神童

母今不忍舍其體魄願居墓三

一年父

芝吉地言訖死年總十三行路聞之莫不流涕觜 今死矣不孝大矣但母淺土閱歲此尤深痛願 掃不怠如是半載病發昇還家醫治無效臨終日兒 幼冲廢至情乎不得已許之乃居墓下日三哭臨省 其日無窮昔劉村隱十三歲廬父墓心常慕之豈以 聽自是時時泣懇父惻然日汝若廬墓我誰與處且 一歲爐墓未聞也重鎮日侍墓不過三年奉養則 ~ 派

金益春

至為善不限于貴賤遂從事於學其父與兄皆不欲 似明映事 金益春性靜好讀書幼有奇志自以為聖賢可學而 送上 九

的事事事人然上

請留而受業余觀其貌聽其言誠有志於學者也自 家借觀近思錄自初昏危坐燈下且讀且看至鷄鳴 吾至或罵詈然志不挫自若也戊申夏益春來見余 也益春愈益讀書自勵十八為司宰監書員每入番 也涕泫然下李君義勝與益春取相善當見其 而讀之益春讀至事親章日月如流事親不可以 而未娶居母喪一日余適案上置擊家要決使取 論語而往讀之不少輟諸人聚而笑之且厭其 黃雅溫為司宰直長當稱日下輩中理學也益 數來見輕出懷中書拈疑義頗有質難時益春

兒時父嘗欲笞之會天寒明相尚筆於爐然後敢 及其旣長而致愛於父母者多推此類而充之故 尹明相坡平人生有至性其事父母能盡其身其 來質子余既葬竟不勝喪年二十餘今上十八年 甲寅夏因旱災搜訪孝節之未及蒙褒典者於是益 屈欲告官自退其父與兄皆責而止之常欝鬱也母 服未関父又死益春號慟不欲生將葬以并有喪禮 春自念供役官府甚妨讀書寧忍饑餓無為廩料 被旌閣之命集齊 明相

识明失声

参上

+

開草車業人

兄之配自取宗人子為後以報其德云宜陽子曰明 人之不義輒奮口面罵之乃已不少忍人多忌惡之 至其孝雖惡之者亦不能掩云其妻之所乳者 幼時過其間必聞其哭泣甚哀路人或歎息而言 孝能無憾於終始云其後母乳而死明相亦一子 明著亦有行明相卒無子死而明蓍取其子以續 此尹孝子之聲也然明相狷介執一不能容物見 而其子絕乳至死其妻亦不敢有言余家與明相 有金玄澤遠鄉亦以至孝聞居母喪過毀 相使其妻乳弟使老婢乳其子其後弟卒得

其為人清介見義必行頗類明相而顧為於禮家居 斤斤淳質綽然有長者風吾伯氏平生慎交遊惟遠

不監謹於禮而已集淵

鄉爲得意常言世俗不知禮故疑遠鄉監然遠鄉質

朱奎辉

1000

城 朱生奎輝其父日時聖以孝死有司以聞 不能孝於親何面目見先人於地下耶故建父時已 左尹遂旌閥生自幼時即自誓日吾父死於孝吾 命贈漢

能以至孝聞其父嘗有疾生皇皇然憂形於色父飲

识明失耳 藥然後乃敢退而食齋沐禱天願以身代旣而不可 给上 土

時仍居 忘其貧也如是者三十餘年如一日焉一夕母忽得 游泣 已衰遂嬰疾醫言節哀然哀毁去甚未及寿而竟卒 戒 起急未及邀醫又割指不能效持喪一 何遂引刀斮手指 一日去 勸 子不敢有私財家雖貧甘肯之供惟謹使其 其無過哀則生不敢放聲哭每中夜起坐為 服 墓 左 闋以其所以事父者事其母婉容媮色未 側 右扶持起居 朝夕必哭賓客弔者無不流涕而去時 出血灌之口得延一日既喪母 如童兒使其母忘其老也 如其父死

呼禮之失久矣今之士大夫居喪惟仕宦宴饗

樂不爲自以爲孝而能盡其生葬祭祀之禮者幾 矣若生者可謂知禮矣夫揄揚篤行之人所以敦

孝金陵

教厚民

風而使後世知有本也考生所為於法宜旌

白大鵬

烈俠之風嘗與劉希慶遊二人者俱以詩聞於世 「大鵬者與艦司之奴也能詩善飲酒俊逸橫健

鵬嘗有詩日醉挿茱萸獨自娛滿山明月枕空壺

此 ,莫問何爲者白首風塵典艦奴其豪宕不肯屈 萬 曆初隨通信使許歲赴日本壬辰之役隨巡

识 月 失 厚 一 S 上

士

照真轉出

節 邊 使李鎰戰于尚州以死之時鎰遁去其從事皆殉 贈卹甚優獨大鵬不與焉人皆嗟惜之 稿碩

文紀房

文紀房字仲律高麗名臣江城君益漸之後世居長 剪紙為旗自稱為將奉兒無不從令十五讀史至張 與父炯夢屋上有大星飛下光燭地傍人言是房星 也驚覺汗沾背是夜生子名以紀房為兒戲騎竹馬 巡許遠傳慷慨擊節掩卷流涕膂力絕人善騎射與

161

舉入寇紀房與明會倡義起鄉兵從全羅兵使李

祖弟明會同登辛卯武科選為守門將王辰島夷

稷危血書于衫 似明铁声 明會張目唾手曰今日當决死以報國鼓行 備陳殉 士卒盡散只餘福裨五十餘人賊鋒薄城下紀 福男丁酉八月賊踰宿星嶺兵使自順天轉到 國志腰下玉龍知明會繼之目力盡皷聲裏誰 以左手射賊左手又脫紀房口呼一句日平生 月十六日也奴甘金持 賊圍城數重彎弓亂射殺賊無數右手指盡脫落 鄭 節狀以血衫葬於高山 同 心艺上 袖遂與兵使同時搏戰而死即丁 血衫伏 耳溪 僵屍中脫身還家 由 南

葉於霞集都御史王公墓誌云壬辰之役朝鮮陪 書時未檢蒼霞集恨不能牽聯書入也筆 梁戰時急焚火藥應我軍賊是以大敗鄭六同未 人而立如此奇功東人未有知者余編忠武公全 六同陷于賊平義智親信之六同為我內應當 記去

金忠烈

尚宮用事人心憤欝上疏曰赫赫宗周褒姒滅之我 金忠烈字而彦號玉湖叉號雪峰光海朝見寵姬金 政院論議不一終至退斥而忠烈身在 朝 鮮三百年 宗社金尚宮滅之臣爲殿下痛哭疏到

不敢言忠直之氣至今凛凛此是 祖宗朝崇獎言

者之效也是發聞

朴義

當 與虜遇大戰光教山義時在俊龍慕射殺揚古利揚 將 義湖南之高敞縣人也沈勇便騎射擢武科除部 利者滿洲 累功至超品公尚努見哈赤女死封武勲王彼 仁廟丙子兵馬節度使金俊龍勤 正黃旗人戰寧錦間 皇朝猛將無能 王至水原

以月失年 者爲何人果射歟彼人或有言之者反怒以爲嘲戲 俱有信史可案也既而不知朴義之為何人所射殺 念二 古

縱義自言亦叱之以為妄此義所以至今無聞者也 高麗金允侯處仁頭陀射殺蒙古元帥撒禮塔拜 軍如義者官不過直洞萬戸人以此尤悲之而

奇功則與允侯并云 集冷 齊

金 禹 錫

金禹錫 頑 丙子清人東搶馬錫避寇入慈母山城間 者 永柔縣人也好氣節飲酒賦詩坎填不平 朝廷

选 两 和 帝秦清將見之大怒欲斬之禹錫 蛇 詩大書城 倭亂時 巴 事 人間今日知 何世寧蹈 既然

門日我

是

大

明天子民皇恩尚

當時滿漢之間金禹錫之勇聞天下而朝廷終未能 應元年十歲抱禹錫乞以身代清將亦咸其孝井 之言忠信行篤敬蠻貊之邦尚可行聖人豈欺余哉

拔而用之情哉預齋

李亨翼

漢以避之宰相倡和議欲背明天子為臣妾於虜亨 犯西塞觀察使節度使皆走直一夜趨王京駕幸南 李亨翼鐵醫也崇順丙子扈駕入南漢城先是清人

翼遂泣言于 上日噫嘻此何時也君臣父子肯城

大君在江都庶或重恢不

即明失年一一会上

戰以殉社義也元孫

之未幾和議 勤 將 兵者以賊造君罪當斬請與主和之臣及擁兵不 而與虜 者 **并斬之用激士氣** 和 成而亨翼悲憤死碩 殿 下縱還都 何面目見臣民乎西塞 上 齋 爾言慷慨予當思

吳孝誠

云百翼 陽也具綾 張愛聲吳孝誠 昭 川 屋仁 顯世子 薦 八壯 金志雄朴起星張士 士從 孝宗大王特 行日朴培元趙壤 大為 一敏周旋 君以質

終始

如一甲

申

鶴

駕東歸

時

顯廟

春秋方四

轎使人負

亦啼哭不已惟吳孝誠負之則

以月失年一一一一一一一 院陪從而以院吏隨行入瀋弼善鄭雷卿察其忠信 姜孝元晉州人也 仁祖丁丑昭顯世子質於清講 語以示親昵孝誠頓首固辭 別軍職廳使八壯士鮮裝厚廩夙夜侍衛子孫世襲 止哭於是徒步行數千里衣背盡腐後 八壯士像於屏風吳孝誠則盡負 , 肩傷其臂臂因拘攣不仁 上酒醒悔之益加龍 葉 姜孝元 孝廟御便殿置酒酒酣召吳孝誠欲把臂 上怒甚舉長琴撞其 顯廟狀丙申設 共 孝廟命畫

雖能 矣今不能 者無不媕耍懼及而獨挺然不歸不諱其初遂與鄭 日 同死 旌 鄭公志謀欲殺之姜不 仗甚重之殷山奴鄭命壽為虜倀鬼行智臆無不 耶鄭公不聽竟與之往復謀議及事洩 書與母訣 其閭 誅之適足以益清人之怨況古見馬紅未易誅 此 也朝家反其尸葬之國東門外褒 死時大罵宰臣之反復覆右命壽者 盡誅清人則一古兒馬紅郭 世賜禄 臨 死謂從者曰吾今死 初被拘也自知 可日吾國見陵於清人久 必死 於國 命 截髮置 贈京兆 敗知其 何足誅哉 何 繭 汞

家人善養老母如我在筆出

田滿車

慨與其妻耕首陽之野時夜讀書人無知其賢者 田滿車者海州人也隱居首陽山下年七十磊落懷

辭之其詩曰聞道燕山栗東輸二 肅廟已卯歲大饑朝廷求糶於燕京諫臣鄭浩言其 不可廷議牢定遂泛舟東海分賑諸路滿車作詩以 一萬斛莫貸海

秋騎來不向人間路恐飲當年洗耳流仍逃之山中 陽薇蕨綠又曰我本清寒有一牛輟耕閒放峽中

採薇而食不知所終商齋

李震華

李震華字郁哉 后公以喉院檢律奔走道路借得有屋轎進于曜 肅宗已已遊黨秉國政廢 顯

何敢望其他哉 職當 天威難測之日挺身獨出扈 命永付政院檢律噫公以微官 衛國母於蒼

之後

全

門內奉詣本宮公以冠帶號泣陪從及壺位光

上召入獎之因問所願對日臣所帶之職

言又如是廉退豈以死生窮達而動其心者 黃之際雖方之古之忠臣烈士無所嫌焉其 奏御

安龍福

以月失年一一一一 將生數國人憂之而不知為馬島所瞞也龍福憤 福調 走蔚山海邊有商僧雷憲艤舟龍福誘之日欝陵島 安龍福者東萊府人也隸水軍善倭語 遂票關 不可屈 願 海入鬱陵島遇倭被拘於日本之五浪島時對 日本勿復以欝陵島為鮮銀幣非吾志也太守 欲占欝陵與邊臣爭不已而倭會實不知也龍 五浪島主日自欝陵距我國一日距日本五 我國者 解送伯耆州州太守厚遇饋銀幣龍福 白作書契授之言欝陵非日本界時館倭若 乎朝鮮人自往朝鮮地何拘為島主 大 肅廟 知

怯 送幣貨馬島轉賣日本多設機詐米十五斗為 悉捕治之龍漏乃詭稱欝陵監稅官升堂與太守抗 杖碎其釜倭大驚走龍福 泊 欝陵島時 不發 大言日馬島之居間矯誣豈獨 海菜吾當為 又罵日松島即芋山島爾 以七斗為 能 漏 東甚長馬島截為三束關白何從 獨前憤罵日 倭舶自東至 汝指其路僧欣然從之遂舉帆三 斛布三十尺為一匹馬島以二十 何故犯我境龍福追至 轉至伯耆州言其狀太守 龍福目諸人縛之舟中 不聞芋山亦我境乎麾 欝陵一事 我 國 知之 松

謂壯矣稿 以,明失算一人多亡 之嚴而出萬死之力跋涉水陸萬有餘里叱绞夷如 議割鬱陵島以子倭彼龍福者非有職司之重命令 小兒折馬島之奸謀使鬱陵全島不入於倭其功 一部 計畫 萊府 謝日不敢復遣人至 鬱陵當是時朝。 馬島如更爭界者可差人賣書來於是倭知不可復 不能爲我達一書於關白乎太守許之馬島主父 死子其圖之太守歸語龍福曰毋庸上書且返 江戸聞之大懼乞於太守日書朝而入則吾見夕 崖 斎 土九

戊 申之 之一空 老 汝 歡 丞安 者 驛 館 摩 難 成 滅 吏崔老曰諾曰金吾提騎十 賊首 給 歌驛吏也 在曷不秣馬 振林谷奮挺 烈生 時賊勢熾 問若無人崔 惟 鶏乳狗 果 勤 李麟佐 及四 方睡 皷 布 世為吏於成 酣 以三千兵次于驛夜 張 以英 賊泉皆睡酣警杯 野鳴 湖嶺 變 左右衝突因放 老使卒潛伏驛後 出 否則 倉卒惶急驚動 號 戒嚴驛丞姜柏 崔 斬 老未忍去與光卒 歡舞年七 之崔 百輩 馬 方 峰 庭 老連聲 不 張樂飲 十餘當 捕 響旗竿 走 呼 間 賊 相 應

擒崔老老死名亦不傳邑人稱崔忠臣云稿 太半散亡麟佐急回軍軍聲途不振而因為元帥

洪世泰

諸家息菴金公見而歎賞曰高岑者流也每稠 經史諸子無不淹貫而尤專意於詩神情所到 妙悟遇境摛藻天機流出音調氣格駸駸乎唐正宗 洪世泰字道長甫毀齒已能開口吐辭驚人稍長讀

家故事公感激知遇遂益自肆力務博極今古深探 取以究其志業既而蓄積愈厚其發愈新農嚴

衆薦寵不離口及公尼因且死爲出力以濟之如朱

以月失了一天

詩墨所過堵立公倚馬揮 淵二先生與之唱酬 以為心余初見公於柳下時公年且五十鬚髮蒼 為實至戸繪其像馬晚乃築室白蓮峰 顏色丹潤 下亭左右檠籤嘯詠其中環堵蕭然妻子阻 宗 求見 朝壬戌從通信 望之 東人 名 詩朝廷方艱其選時相以公 如神仙 逐 滿 傾 命製以送未幾選補吏文學官 倒推 調 掃驟 使 然是歲 獎目君 日本蠻人持牋練乞 母 若 風 燕使能文者 可謂矢口成 雨得者皆藏 下扁 飢

生之志屬其內子李氏日善藏以待之居無何卒 門深居絕還往探篋中草稿手自編摩且為敘 西 材印行其遺集凡十四卷流 **明失**基於上 十有三公歾之六年婿趙昌會及門客金鼎 赴 湖 又除義 製進十家公援筆立成以進之俄拜松 其詩益雄放橫逸及還衰疾益甚忽忽不樂 十景賜札國舅慶恩金公日洪世泰以詩名 相辟為蔚山監牧官至則乃以公餘得放浪 西部主簿兼纂修郎掌選東文詩 盈庫主簿遭彈見罷老而益貧無以 嚴 主

東車車車

高斗杓

高斗杓字運元性耿介不俗好學尤深於易洞曉微 與大爲當世學者所推詡稱之爲孤青後一人云每

以為吾道淵

源在

於一敬字好讀心經近思錄等書

圖 門豆 婦人正席而終亦可見平日操存也照 說至中正仁義之說未嘗不沉潛服膺其疾革 而力贖之平生景仰退栗手遺卷不置讀太極

安光洙

安光洙字聖魯自號竹軒自其先流入國學之泮 寄居焉泮村之俗剛者博奕任俠嗇者又逐逐

材者甚衆既壯而冠為胥史為典僕皆知敬廟宇謹 之道蚤夜誨迪冠昏喪祭手自圖式令民易曉使 利鮮能率禮教光洙慨然日太學首善之地 戒之於是泮村子弟多與起率服光洙即日業 菜各率職無關也然光洗不徒以言為教而已亦 遊不然氣象迫窄去風雾詠歸之趣遠矣良辰選 明佚序一卷片 程朱之儀則每月朔悉聚其徒課業能否褒責 業文會隨其材高下各授經史子傳以事 可乎倡子弟之聰悟者七十餘人為之契而名 酣觴賦詩縣爲累百篇意寄悠遠由是成 王 親敬

以獎之光洗歾泮 喪至葬執役無敢後忌日生朝四時之節當受 不廢 爲具羞 反諸身而立之本居喪疏食三年晨昏哭泣 洋之少者 沒 則祭 其他行事多 助祭十餘年如一也及是父老相與謀 於社 與捐財致祭於光洙 知敬老老者 若安先生豈 村人無老少哀號如撤其辨 可 紀 長國子者聞其 不負戴安先生力也昔 但 使其受業者祭之 風往 雖 往 業 噤

林

乎

城 街以南至木覓下是南 此月失星一念 其徒高會其徒有庾公纘洪洪公世泰崔大立崔 乃歎曰於吾已足矣即謝事家居以文史自娱 少時受學於龜谷崔公之門頗有能詩之稱然家貧 昭世居漢師北里為人俊爽有奇氣好神姿善談辯 患詩人文士時節相追逐窮林泉雲月之樂動 什誇多鬪麗豈亦有風氣使然者歟林俊元者字 也多商賈富人好利纖嗇以鞍馬第宅修靡相高 老親途屈志為內司樣得任用以起富家貨累 蓮以西至弼雲是北部也類皆貧戸遊食之民 往有任俠之徒意氣交遊好施予已然諾救蓝 三

太 館庾公為置旨酒以盡其量 金 稱然庾公嗜酒能一飲數斗洪公宴無以為 至匱乏每遇良辰美景招呼諸 而罷以是為常洛 耶 忠烈金富賢諸人庾公號 浪善詩名聲俱冠當時餘人亦皆以氣緊詞 俊 來假視 元既饒 不能 執恭如子弟者亦 女子被官 婚嫁喪葬者必 於財而好義樂施常如 下 稍 有才名者以不得與其 驅 而 日春谷善碁洪公號 一以俊一 數十人俊元嘗 去 數 人 以 輒賦詩酣 元 惡少背 為歸故 不及其 財 周洪公 養俊 飲 親 翰

者豈使 崔公病沒喪不能舉其門徒會治喪無可以 也於是人益服子昭高義能慮事也及 如 告自是子昭名 安 此 時子昭從使臣 號 明失事一长上 問之子昭人也盖子昭行時念公老病戒家 耶立償之裂其券遂去女隨 在 子昭 哭甚哀俊 先生死而無棺言未既門外有 親其常所仰賴者則日吾何以為 禮男女異路何必問我姓名强之終 震 元問其故 入 問問慕 燕座客歎日嗟乎使林子昭 此目可以微 風願識者跡交其門龜 而問日公何如 子昭沒 人舉 债辱女 盂 棺 棺 形 相 助

寡女自來請助針線至成服乃去盖街上女也 集浣 嚴

李得元

李得 有氣節孝友出天詩也清楚 公以委巷之人窮而無事流落外方不為世所深知 嘗聞滄翁盛稱其人與詩曰人也玉雪風神 法二王少為龜谷道人侯芭暨 元字士春號竹齋其壻高時彦記竹齋遺事日 婉麗有季唐風調筆 林西軒 庾春谷 倜儻

從其家窶至埃無火坐無氈而

促膝談古今終暑

有味令人頓忘寒與疲云公去浮

皆深許與之莫強而吾尤心悅之平居無日

识明失声 劒 以崇順已卯僅年四十四無子有三女長為 于嶺幕有能名自是泉辟歲至家席無媛時及歸 爲人所疾怨屢加中傷繇是不樂在京出佐 焉公既殁十六年而余贅其家不暇問他事急先 歎日孝哉此女恨不為士春男為立林氏婦· 之林婦 親困時多賴其力躬治喪設饌祭哭哀如親戚滄 人無所競而適姊家选雀鼠變以親誼力救之 人環堵蕭然井竈屢空晏如也吟誦不輟公 而貧力女紅以養親親殁奉其祀林西軒之亡 死而次歸朴者又奉祀事修墓道至今不 念比 菫 林婦者 道侍 則

訪 遺稿得 於西翁子所質諸滄翁選為 卷寫弄巾

篋 有年每自念之二婦既為提紫今獨有不朽斯

是佘之責至庚戌夏幸因滄翁詩文印行之便以 別 **絡備字以印但** 恨力詘未得廣布未知猶勝於

高時彦

也否省

窶益甚有二 高時彦字國美疏眉目美容狀遊戲異凡聰明絕人 日誦數千百言既成童益肆力刻苦讀書然公家 親皆老遂屈意末技十七中司譯院漢

得寸祿以供甘旨蝦則究覽墳典孜孜弗倦經

**鞮**象未克專工然其著詩文為一時具眼者所許 燕館臨終神色夷然了無怛化意能自手書處置家 物之養卒以力疾驅馳死於王事傳云一鄉皆稱善 事緘付家僮遂正席而逝公為人醇厚恬靜與物無 文義宗為師表增秩至二品云緋橫金然公素善 傳百家無不淹貫以博聞强記名世院中生多就質 嘯 明失事一一长上 者公之謂也盖其平生所好在於古文而以服 父母沒便有休退志別構小窩扁日省齊杜 仕家院四十餘年與人不忤視事親至孝克備志 际自適甲寅從陳奏使赴燕渡江疾犹竟卒於 美 門 端

柳 序日辭 疏 **割疑二卷省齋集二卷所編** 洪 公面 理 俱 到文中上乘其於經義識解尤精著註 稱之日奇才三淵金公手題其例泉詩 昭 代 風謠三卷 俱行

金 萬最

巖

惡少年 金澤甫名萬最家舊云纓族而後世淪微其上祖與 業醫君少孤而貧嗣爲醫學而意不愜去之遂結 狗屠為事得甘旨以養母然君性疎放

嗜酒

使氣往

有風之者日子義士也宅日被逮慎勿

往搏擊人至被傷者衆鄉里患之當遊

之惟恐後與人交不問清濁意之所可則雖賤污愈 益敬以是愛慕者甚衆既老築室白蓮峰下自號嵐 似明失年 議歌詠者亦多有燕趙感慨之音也君既浮遊四十 君一見余歡甚呼與為友托以忘年之契時君文詞 餘年其窮益甚環堵蕭然妻子饑寒而見人有急赴 舍身長八尺美鬚髯談論衮褒知其為賢豪間人也 目之必曰俠士盖其少日氣習猶未盡除而發於言 大進已傑然有聲而世之人知與不知未嘗以文 君即感悟泣涕謝其徒折節讀書能日誦數千言 衣章帶雞容為處士之行余年十八遇君於三清精 多上

丰

中華車

酒 酒 至數斗不醉 居 相 就 士手自蒔 者留與飲極 圃 鄭用大椀下之轟轟若鯨吸觀 種 歌醉則散髮松林搏髀而歌飲 柳日婆 後其下以自適有以壺 者

魏 流 六朝者三淵先生與柳 嗚呼君之志氣才調求之古人為石延年陳季常 日疾暴卒壽七十六君為詩冲澹古雅多 而君旣無意干世世亦無知君者然後之覽其 下翁亟加稱賞以為 得漢

者亦可以想其人也集

巖

鄭來僑

浪洪道長即其人 而繼道長又有 识明失旨 嚴鄭潤卿者名來僑當世之學士大夫與之交狎或 踞先唱其為詩也疎宕演漾得詩人之態度而往往 必邀之潤卿痛飲盡其量淋漓酣暢然後始出韻 致之家訓其子弟其為人清脩如癯鶴望其眉宇 有所誘於外物而不嗜不專則其成就能如是乎 知為詩人而甚貧窶家徒四壁詩社諸君有佳 或曰文勝於詩余以為潤卿之詩與文一出於天 調慷慨有若與燕趙擊筑之士上下而馳逐盖 源所自出於道長而其得之天機者多其曾中 獨 工於詩其文善俯仰折旋頗有作者風致 念上 天

是矣余之交潤 焉或以公事造余余命僮扶而升堂 不盲於心者 食製述官祿 而已何必論長短也哉潤卿旁解琴操且喜為 拙 為琴而熟 病 則必為 極 朗誦至得意處不覺脫 其妙酒半輒自彈而自和之浩浩然殆忘 而其氣不衰也潤 為歌也使聽之者從而評之日一工 潤卿所笑世之論潤卿之詩文者亦若 也閉眼 潤卿 卿粤自弱冠而及余之領槐院 口呼足以了院中文事竟不 以目疾辭余日潤卿今之張籍 卿既 帽 在叶余於是知潤 死洪學士 叩其詩則潤卿 子順抄 潤卿

似明失声 事必争遭母氏囏與余居盧莱茹不充疾病沉縣 藍縷號乞意哀之一皆不問垂橐而歸絕無私干 計所為詩文往往為具眼者所獎賞貴遊子弟争欲 所寒盛熱不脫経帶家力益匱遂掌眷湖中樂其風 却 詩文洪尚書翼汝捐財將印行於世 能自晓解不煩索問就舉子業二十九始登國庠旣 而 弟敏僑字季通面白皙眉目如畫甫成童子史諸書 尚書尹公出按關西使監海稅適荒歲君見海氓 面而卷居有才志者慕而從之執束脩者亦數十 歎曰此何足以榮吾親而發吾志耶益力為大闡 念上 相六 化 芜

節哀强 害為自成家則矣君得年壓三十五一女幼邊氏能 足其古詩近體爛漫圓暢浸淫乎香山劔南之間 兩忘其勢然君素有鬲落又不習南方水土卒以 之服輒 騎載致君館而客之令教授其二子若呂家之 因 性於古文雖未得專心肆力而天機所發詞理 居 人疏宕不羈行已坦率不肯為便辟愿謹 人或目為簡傲而訾之然其孝友至行得之 食親視祭饋勸余收拾遺藁為悠久圖 對壘迭唱積成卷軸其知遇日深殆至 而自號日寒泉子豐原君趙公為嶺南伯

為季通婦矣洗嚴

鄭後僑

鄭後僑字惠卿滄浪洪世泰浣嚴鄭來僑同時人也

卿乎曰然仍釋之盖惠卿此詩膾炙當時故邏者亦 上學而見執邏者日爾非人語孤舟北斗明之鄭惠 見時挾冊凌晨出為邏者所執問目爾何犯夜日

白胤者

誦而釋之閒輯

杭齡朴永錫友善及沒以孝旌閣有學古堂集一卷 「胤者字頤孟孝悌出於天性喪祭必合於禮與金

二十

犯明失事

総上

起 節哀强食親視祭饋勸余收拾遺藁為悠久圖不媳 足其古詩近體爛 求 兩忘其勢然君素有鬲落又不習南方水土卒以 之服 騎載致君館而客之命教授其二子若呂家之 因 性於古文雖未得專心肆力而天機所發詞理俱 爲 其居 自成家則矣君得年厪三十五一女幼邊氏能 故人或目為 人疎宕不羈行已坦率不肯為便辟愿謹 輒對壘迭唱積成卷軸其知遇日深始 而自號日寒泉子豐原君趙公為嶺南伯 簡傲而訾之然其孝友至行得之 漫圓暢浸淫乎香山 劒南之間 至

為季通婦矣洗

鄭後僑

鄭後僑字惠卿滄浪洪世泰浣嚴鄭來僑同時人也

見時挾冊凌晨出為邏者所執問日爾何犯夜日方

誦而釋之閒輯 上學而見執邏者日爾非人語孤舟北斗明之鄭惠 卿乎日然仍釋之盖惠卿此詩膾炙當時故邏者亦

白胤者

杭齡朴永錫友善及沒以孝旌閣有學古堂集一卷 「胤者字頤孟孝悌出於天性喪祭必合於禮與金

念上

信孝悌為 其所 日痼 之於言語文字者 于世鳥 門 以 耳 弊 卞昭 他罷折受去免稅等諸說亦 觀談治則又以行井田與學校 喪 倦倦於斯世而不能忘者 而 此豈非千古隻眼者乎君之為學盖 川 止 根本田地立心制行 鄭尚書序器日文詞特其餘 也內谷尹公序畧曰項 穆立五廟 命設廳纂成喪禮補編諸公辟 不肯草草必以 爲 第一義 必以古人自 非 而 指陳利害切 年 為 如 拘生 餘 爲 非三 有 事耳其 餘 代 期 國 以 則 論

謬以成朱子遺志使中朝聖作之日來我取法此 魯連之風而不幸早死兼 平日之志也編役未畢君遽歾諸公深加悼惜以君 體嘗於甲申三月十九日與人謁宣武洞悲吃慷慨 獻十條議請建白于上立五廟之制以正千載之 者昭穆辨然後神人之位定而吉凶之禮有所措 其役君以爲治國以禮而宗廟之序昭穆爲禮之 以朱子明年太歲叉涒灘之句分韻賦之盖有海 韓以亨 筵白特命旌閣其子謙門自號素皐工於近 記山

三

思錄怳 謁未嘗 從學者教之不倦卜築于嘉陵之栗村監農 疑晦講 受 秋時紀深云大帶致其嚴素抱奇疾不撤席 婉容愉色極 以亨以 日 雖無用工而詩文古雅有濂洛之遺音也其 幾何之法公一見其書未浹旬盡買其法其 然 夜 辨甚多我東數學無聞時有教授文光 有悟始 理會六經微辭 日廢日與同志之士講磨 英 其甘旨其居憂也倚廬疏食盡其 廟 知有爲已 壬戌生早孤失學偶於人家見近 奥旨無不研究尤精於 之學遂折節讀書會無 經義為 褥晨

以別失耳 之旅舍 志讀書以教子孫鄉里之士聞其風而從學者多於 間終日吟哦亦可想其高蹈之志自足之樂也戊申 也每逢春秋佳日則携率學徒往遊於虎溪水石之 行也是文學上盆也此可見其趨向之正刻苦之工 求義理也應接事物而審處得其當也多識前言往 是修小齋記其為學尚志之道又推演橫渠先生學 也改得不善也益知其所心也是德性上益也讀書 德性道問學之語以爲圖揭之座右日心存而不放 上聞其名而召之翌年五月十二日卒于京師 上極加悼惜賜以棺木賻以錢布有詩文 圭

晚

卷 亭集翠

李夢鯉

李夢鯉者漢陽問井人也少孤與兄居兄夢豹為譯 冠詣兄所夢豹睡未起夢鯉危坐戸外待其 教夢鯉譯夢鯉不肯獨就塾師受小學書於是竊 一賢行事言語動作一循規墨每鷄鳴即 日以為常夢豹反苦之一日早起 出戸迎之夢鯉遂不敢早詣兄所 攝不待夢鯉 一日當 魁 起問 洗

新

雨道泥夢鯉

張拱矩行道人皆目笑之時有

素橫遇於狹路罵曰彼何為者即臂擠之

根別供与 苦矜莊可畏與之論學昂然以古人自期及其殁也 學者遊處識解益精操履益嚴先生稱其篤志力學 已於大道則未也聞樗村沈先生講性命之學遂徒 步二百里往從之受大學中庸心經諸性理書與諸 無不惜之余少時見夢鯉於樗村門下為人短小 奴大慚隨至其家叩頭謝罪自是問巷之人莫不敬 憚夢鯉已而夢鯉歎日士窮居修行止足為善人 淖中夢鯉色不變徐起拂丞無一言前去行步如 一命官之未幾夢鯉病死年未四十士大夫知不知 相國顯命聞其名致書幣禮之因以經行薦 

草草草

類知禮者余為之歎息流涕 余往哭之夢鯉無子其妻惟而受吊其聲哀而有節 集耳溪

崔天翼

書無所不讀文學蔚然為一路之望然常自視若不 者三十年以終年六十八君屆起退賤遊學四方於 及舉進士則日吾分足矣遂不復應舉家居教授 天翼字晉叔與海人也世為郡小吏君獨自奮為

鮮當其意願謙抑自持未嘗以材能尚人平居 甚肅語必中理戲狎者莫至其前以故知君者先稱 聞有賢豪長者必就見之性俊亢多氣緊睨 儀容

识月失 [ | 长上 賦詩風流動人遇可意人談古今治亂得失關防形 請爲弟子維翰叩其所學驚日君吾畏友也我焉能 叫 色居室破敝邑守欲助之葺而固辭也賓至必命觴 內行淳備兄弟五人共被而寢家屬恒飢未嘗見成 便瞭然 不延見見則必加禮焉雖驕恣者無敢以地處侮之 信從者益衆隣州或開館延之沒而 入官府數十年是非一不及身鄉人以是益賢之 之哉及歸以其書籍付之官長之至其邦者未嘗 而後其才申青泉維翰為延日倅君贄文而謁 如指掌聽者忘倦盖亦非無意於世者也老 加麻者多典 憲

劂之永嘉權嚴少許可久為郡宰知君深以為 海 罕傷常稱以龍田翁而不名言于道伯欲薦之朝 習 僻邑也今多知名士君之功也有詩集一卷將 原城元重舉亦盛推君目以領左偉人余從 聞君及至其郡則沒矣每過其墓輒駐馬久之 舉世

集青城

朴永錫

朴 論語不輟非省墓弔喪不出門非祭日不入內賃書 永錫字爾極貫全州自號晚翠亭常危坐一室觀 以供祭祀妻治人舊絮以資 **餬口然相** 

者哀其死而文以哭之日婦孺日佛士日君子仁者 答時人皆稱以君子亦未有知其淺深者有朱喜 見仁知者見知以余觀之孝子而已嘉慶辛酉卒壽

六十七素隱

饋雉鷄者拔其毛羽藉于房中而還其肉未嘗干 冷坑遂平生不烟坑學徒數十歲時問遺皆不受惟 朴永錫隱居有高行世稱君子父病不能繼薪沒於

燥之地是歲大雨急漲舊擴陷為深谷人皆驚異就 物一日忽向人乞錢五六百緡移葬父祖墳於

1

董

松奶头车

念比

談

李最濬

李最濟字景範少治舉子業工於時藝嘗慶科漢城

試病不赴同窓入場者呈然畢共撰 之券榜出果列焉景範皺眉曰古之君子愛人以德 今之君子愛人以戲遂不赴會圍爲景範緩頻 景範之大人使之入場其大人莞爾日諸君厚誼 篇代呈景範 者請

侍郎聞 歎日有是父有是子哉

非不感也特一時之戲也豈可因其戲而赴會試

吾誰欺欺天乎諸人不敢復言於是嗜臥李

金派

琴盛行日此殺伐之聲也其將有邪盭之變起於肘 犯 明 失 声 一 卷 上 者然每當推步必先質於派然後乃奏歲庚申見洋 差命派入辨稱旨明年遷奉 在夜半乃作中星新記以進 幽 金泳嶺南人也癖於盈朒勾股之法殫心思索逐 曆官意不屑也未嘗束帶供職故諸生鮮有知 乎翌年耶穌獄起盖其為學專務致知日 其中矣又日欲修身不可以不知人欲知人不可 **欝之疾四十不娶妻竹下金相國勸之遂黽勉娶 稻無意於產業** 正宗戊申日食度數與北京 上仍命觀象監特付 顯隆園命派奏時時 美 知

辨沛然若決江河有叩之畧得緒論莫不充然尤邃 象啓蒙持三百解道教全議觀物牖鑰等書年六十 餘卒一子尚幼蒻 終乎平 以 律呂語或及之朝烯噓日使吾得地今樂盡復 不知 原樂及聲律總敘以見其志遺蒙多散失有易 天欲 居 內內如不能言及其論治亂之由 知天不可以不知易易其為為學之始 隱 天人之

震異見兌顛倒互用是知混沌開闢之流行只

於天地日月則萬古自如

何者乾坤坎

離四不反

先生嘗

日混

**池開開云者是雷風山澤之變遷** 

也至

· · · · · · · · · · · · · · · · · · ·	and the second s	The state of the s
		秋晝夜之往來所撰新法中星記漏
		松晝夜之往來所撰新法中星記漏
		道儀藏于
		書雲觀霧
		地義印行以

,

熙朝軼事上					四草車車
				7	

熙朝軼事

石希璞

江陽

李慶民

編

石希璞字子成號南川丙子亂以書記從崔遲川

身冒險數千里及公量移內地而後偕返焉於 南門外請留龍馬兩將時年甫二十嘗從竹堂申 遊申公言事謫西塞荒絕險遠親懿莫能從 獨

所嗜好惟以詩酒自娛其人固豪而其詩亦佳 海東遺珠昭代風謠其子萬載號豆村亦能詩高義 選

识明失事 送下

雅趣不墜家聲有父子合稿就

草雨

李彦瑱

素狡每我使往輒奉至索翰墨或預構詩文多至屢 精敏類此通信使行彦瑱以才膺書記選浮海 食 賦文又善書而疾當冬日晏起盥櫛端坐抄書未 官本院聰穎絕人讀書過目不遺文辭贍給能擊 李彦瑱字虞裳京師人也家世業象胥彦瑱以譯 而得州餘頁字畫皆端楷如印本亦無脫遺處其 一船中多能文士然神捷無有過彥填者日本

千百言卒

然亦患其太迫及彦瑱至奉倭持五百差索

出求和冀以困之我人亦不欲說必揮灑

以明失事一卷下 星曆勾股之法畧通梗槩云惧鼻 彦瑱又且念且書如錄已言指問颯颯起秋雨聲須 言律彦瑱即磨墨數升且吟且書俄頃而足奉倭 若干首藏之彦鎮死始行於世彦鎮少從李用休學 無益世誰知李彦瑱者其妻奔救之不及只收儘餘 誦亦如之倭愈驚歎吐舌以為神也於是彦瑱之名 **奥擲筆整襟而坐日末晡而書千箑賦五百律所記** 顧驚喜復持五百箑請日已服公才思願試公記 而死年總二十七未死時嘗出其著悉火之日存亦 時云彦瑱雖負才名然坐微賤竟邑邑不得志

李亶佃

李亶佃字耘岐地卑而才高工詩善書名動一世

遙爲亶佃發也聽笛云洞葉蕭蕭下溪雲寂寂生 大夫遊自號正齋從下從人自况也其為詩落想 不驚人不出口老杜所云語不驚人死不休遙

得此佳句死 力浮雲自幻容佳句也尋病沒人以爲識人熟無 亦何傷此可為亶佃道也壺 記山

入王章室中東西而睥睨也水聲洞詩云落日無餘

千壽慶

千壽慶字君善家貧好讀書工於詩結茅於玉流

识明失序一卷下 紀其喪表其墓日詩人千壽慶之墓如記 足四過五何松石以其居名之足則三子足矣過 即書松石園三字欲刻之無金客有題其傍日石祚 行風謠續選乃其手輯也壽慶沒其及門安時赫經 不足全豈有餘秋史見之乃捐金刻之寒士之以塾 上自號松石道人石壁上松石園擘窠隸字阮堂 石園在玉流洞始立草屋數間石壁上秋史金侍 子過矣何則五子何事之意也相傳爲笑資世 長未與松石會者人為之耻有五子一松二石三 所書也聚同人分曹賦詩無虚日世之解詩者無 Ξ 則

讀寧不直二文哉因而學徒多至三百大者奉 會者數百人輪流來集日不下三五十每春 溪 風皆以讀書為本務郁郁之俗比屋 陵右文之教卓越前古上自館閣下至委巷摩 園 學徒漸繁而俸入漸多使之月出六十錢 制軍法詩人日坌集園中飲 也集里中小兒教之計一月之費排於諸兒 社白戰之盛千壽慶張混王太倡 居家小未嘗炊飯也故南 生者多矣未有如松石之盛松石始貧無以養 食若流惟隆寒 社 可封客有言

似用快车 其遊戲人持兩人之食以待貧不携飯者定南北 發文約日會于中書府之蓮塘筵几楚楚筆硯極 之及晚軸成大如牛腰負之一奴就考於當代第 有文名者其魁者萬口傳誦當日遍都下原軸歸之 珍奇大碗盛墨瀋華箋錦軸高與人等篆隷蘭 於此故不惜鉅費至有破產而無所悔邏人捕 赴白戰則不敢執宰相負文望者以得就考為 而轉相傳借至於敝滅而後已盖當時俗尚取 豔美有如此矣有李芭溪者隱其名 題南題則用北韻北題則用南韻 北下 四 多少

苑 虚 過揚 仄 春 風蝴蝶影秦樓 而起所題三首併居甲乙 杜牧之 全上 暁 月鳳凰期 丙 此間 其妓舞詩有 投 橋終無暇 云漢

金 洛 瑞

州

歛 始登第以課藝出入內閣手時方大暢文教凡 然 于閣者率亦彬 其名 勝 云余固已心知之然特以為 不 類質厚 彬具 (藻翰視 長者之風者叩其姓 其中 有貌古而履 恂 恂 退讓 為 金 掾

聞

輒

可敬憚余賴以自

知

其過者

多矣

已其後

余官于閣益與之相

習其言若

能

者戴稿淵 蕪始深于自得者歟深思而不怨優遊而不荒殆 篇於人倫而依於忠厚者數**嗟乎周旋往來三十** 藴 泉 美 資近乎道者賊其文則不多作作必裨世教斯 其為直諒有見識人也及既沒余始從其子義齡 年之久而猶不能盡知如 其所留詩若文得一千五百餘篇讀之中其卷喟然 而 歎目嗟乎余之不盡知斯人也熟而不但博而 張 混 泉 而沖然不求炫于人如 此此固余不晳也然其內 此此其所以尤

**松明快店** 参下

五

前喪 張混 從後居母喪 題詠一出爭相傳誦誠 必 旨事 貧躬執柴水之勞甫成童博通四 母郭 已踰五十嘗穢禱天竭力將養及丁憂水漿 告終目所爲領之而後退父患風眩沉縣三 字元一自幼重 三日期 目向者猶母在今則 親 氏解書史試授之書犂然透悟 五十年婉容洞屬先事承志每自外 侍疾凡百餘日不 年 不 遊葷 厚內明慮其過於聰慧不令就 孝根天雖身無完不 腥母却食而勸魚肉為 永無依命處前後 解 不實 部書 游之慟踰 過目 尤長 而 三年之 之勉 於詩 載 極 輒 不 而 逻

识明失臣一医下 請挽詞勿受祭文為其浮辭溢美也晚年窮益甚殆 資年二十四為酒家金媼保盃行餘猶能讀書媼呵 箱斐抄然 褒綽楔反以愧孝子之心吾所不取爲書遺二子勿 喪一不近悅口之味朝夕有哭哭必有淚語及二親 至屢空而猶不輟看書對人循循戒飭以修齊之法 嗚咽不成聲常日事親盡力子之常道為子孫者詩 王太字步庚一名漢相號數里麗氏裔也貧無以自 王太 純廟戊子卒年七十所著文集八卷二子昶旭 1二個人與獨生所 六

燭 武 止 烟 醜 一之乃懷書行且讀或照爨火點誦媼奇 金虎門外 面 鳥嶺 王漢相耶乃 凡 而衣禮如也學士細叩之驚目豈非江清 性為夜讀資由是文辭大進人無識者當踐 生治五經殆曠數也庚申之後屢應講不 風 碩齊尹學士過聞而異之停車召見之鬅 課弓馬命以一詩代之輒 生皂幕旭日映 別將卒年七十 是夜月明從土窑中誦尚書一 徹 丹門之句播傳一世付禄 宸 聽宣召賦詩凡 外壺 て覽馬葬命 其志目給 數 步 夜 而成 頭

趙秀三

文詞鴻博最長於詩六遊中原與四海人交詩派 泊相逢於遼薊之間緬舊生感乃傾橐與之年八十 趙秀三字芝園號秋齋一 專在鴨水以東也世以爲秋齋所蘊者凡十而人得 原時路逢江南人同車而行盡學其語及與皇都 **碁六字墨七强記八談論九福澤十壽考也初遊中** 其一可足生平一風度二詩文三功令四醫學五奕 三中進士 不借筆舌與一人交厚後幾年其人沒而其子 上特授緋玉有四子孫會詵詵卒年八 一號經畹美風姿有烟霞氣

似明失事

老下

記外 八詩文若干卷雲石趙相國方謀剞劂傳于世虚

鄭民秀

先生少 市 民秀豈凡字碧山號識與不識皆稱碧山先生云 必具奠需肩擔而行終三年未當以寒暑風 粥日以為養及丁囏哀毀踰人月朔望且展 孤貧孝事大孺人菽水屢空赤脚左 屩 雨

焉先生之始昏娶時年四十五膰腹而髮 朴公辨香咸公皆先生忘形交屬方生半 種 種

問也索治黃歧不成嗜吟詠誦其詩冲澹

夷曠

如

心明失声 械 之島歷八年而窮益甚終歸老於京授徒以自給先 翛 碧山聘行圖 長物 承祭見賓客乎哉賊遂笑而還之後復發寓 世 函書而已賊乃相與引去有竊取先生之签者先 뉈 然有高士風凸何值歲大饑流民夜劫先生之廬 挺者 於衆日毋一 如 於作係遂絜妻囊書籍擇里於積城嚴居 先生 都 可將去手松明火照四壁戸內惟一紡車 數十人先生則從難隊示短節日誰無器 総下 系歌詩贈之一時和者無數先生既衰 何賊大笑先生亦大笑即啓犀入之 敝笠非所怪也寧使先生且免冠 南陽

或自書盡黑而止其跌宕善謔多類此戊子夏卒得 生嘗被酒牛脫禪大筆濡墨水命兒輩亂書臀 腿

朴 允默 堂思 集誦

允默字士執號存齊會祖泰星追服父喪三年 亦以孝給復君姿禀端秀自幼類悟當於黌舍 哭於墓贈官 開張樂羣兒爭趨君讀書自若會受業於丁 旌 其問祖受天遭艱哀毀過節竟不 漁

**祚公遘癘疾學徒皆避去獨守側救視至于** 

悉以分兄弟無所私

焉嘗誨諸子日

則

至近 急可見古人變化之工雖大耋亦夙興未嘗廢云冠 軍民立石碩之平生輕財好施積散以屢萬計 歷 也至於氣質可以讀書陶鎔呂伯恭之讀魯論法 家以稍溜不少屑也每語及祖先至行必泫然流涕 賬飢全境之民賴以全活其他惠政不一而足及歸 恩渥洋溢而兢然未嘗自滿後值諱辰與其友王太 國 存此質為學之力也君供奉內閣特荷 腐者也 北山絕頂南望 忌家祭疏食齋戒將事而退端坐不寐日餘敬尚 憲宗乙未除平薪僉使值歲大歉捐廩 健陵痛哭而歸太亦受知 正廟眷遇

開発する。

權學士應夔挽云腕飛淳化字詞脫 於詩文之典雅鴻朗書法之超塵絕俗人所慕 至暮年歸休墳庵晨昏省掃風雨寒暑不少解 紹 與篇在 倘 故 良

李至和

足生平而忠孝之身特其餘耳尚

書野

撰徐

李至和字君協居西學之西人稱學西先生早喪父 同產母夫 俠 年 人性苛尤所不容學西極其和豫 將三十始折節粹如也二兄同居其

母一笑

而止她

妲融怡無

物

我見

無常母常

理諸書日誦中

庸周易詩尚陶章

法小楷行草直逼二王對人逸情顒若肅容整齊 辨別可否人以此短之此其聞德公之風者敷晚居 乎不敢干以非禮口未嘗雌黃人物雖史策中亦

之公而益信學西之實行也談草 市金參判鼎均為觀察使日文學行檢如有過李至 和者當讓 永春隣里慕化一辭稱君子湖俗每於薦刿奔競 一頭於是人莫敢干竟薦于朝人服侍郎

全弘遠

深睛光射人沉默寡言終日如泥塑博求古今書籍 金弘遠字守約甲子熟臣鶴城君完之後也貌豐而

畧涉 
坦域道里風俗人物通華夷窮瀛海各國世大

毫著大界全史四十卷時年三十也守約為文簡 與凸之故及日月星辰出極高下縮地勢定掩食分 切實不作浮華語十許歲來絕不作汗漫文字家甚 并目而食晏如也毫不干人謙退不伐言若不

口人有問輒微哂下一二轉詞理圓暢盖自得之實 焉若無癸巳守約殁年二十九籍抄然 揣 而問學之富可謂地負海涵星森宿羅

鄭芝潤

鄭芝潤籍蓬山世佐行人役生而有文在手口

识明失事一卷下 圖 蒐涉合昔高妙精確訴合于心者鑪鞴鎔冶而出 冠 悟鍾於文字凡僻奧奇崫幽眇繁冗不能窮竟者 却 而善食酒爲 史期贍博而進之能閱數月轉心注目行墨問 酒而發之詩秋史金侍郎元春奇之使留讀所藏 輒曉其指要機紐何綮所在詩為最長集耳目 與不知咸曰鄭壽銅也壽銅跅弛平生不肎受人 魯 取漢書芝生銅池事遂以壽銅自號通貴賤遠一 不欲矜所挾以加之玉皇卑田兒可上下配也聰 始自放於尺度矩獲之外而恂恂卑謙若不能 性命悲歡得失姚笑他僚連蜷一切寓 土 邇

整簡 過 觴 有 知戸外事 焉終馴之不得 使 舉 其抉鞲破 核 右視 通昔 巾 同文將考月稅 以稽之人謂壽銅之得之於侍郎柄 妄 衫 順 人與人狎 家徒壁耳組 而成若貫珠焉及對試 而 不出聲曰俺 者然忽一竨 後 條 復 而獨喜之相對惓惓 如此不一 往往自恣肆若 而晚盆縱於飲或連旬不粒 頒稍食也曰君 紃 不解此意固 不復來跡以尋之至幽之 以供夫子强 再合侍郎金聖 在 拈譯書使讀之瞋 秋史所 不屑酶 必以百韻 無幾 不釋爲置臺 也妻 而 而能 規 也余 五言 又

壽銅早孤母崔氏苦節自守手針線以就君君卓峰 以明失在一长下 歸金氏迎而言曰吾肝膽已銷矣壽銅曰女子膽愈 之色盖以夫子從遊士大夫馳文墨聲名爲榮他不 而行之者也相國撰 足了吾也未幾暴疾一夕不起年五十一侍即為專 恤也當壽銅之再入妙香也都下忽喧傳已祝髮及 聽者皆溫噱盖其意在玩世寓規諷矣而醉則席地 小愈宜壽銅言若訥焉至其抵掌諧談僅一一轉而 **伙而葬之有夏園詩抄一冊崔君瑆煥所夏輯** 而睡不復言也當日吾且視不久苟得心卷數行文 士

朱意有所適便聚不大鳥率爾獨行千里咫尺也遠 黃涉世甚才請然百世之下知有壽銅不知子也好 方未一面者亦誦慕如素知雖婦孺見輒罄囊為酒 多言客慙而退及公提舉同文辟爲參奉故事 逐報罷費 行郎 以繩墨自居凡馬吊江牌摴博雜劇無不隨緣放 而樽俎鉛槧之席文雅粲如也世稱人如晉詩如 以侑之客有惡而毀之心菴趙相國日子腰紫鬢 不陪者橐鞬直本司君意不屑也南遊冠岳 抄然

以月失年一长下 造詣至大小楷行遂逼永和臨摸蘭亭聖教等諸帖 自晉骨變化來雅翁之得於晉既深故其肖於韓 文書故不得不旁爲景洪以應時需盖景洪之法實 與真本毫髮不爽觀者始不能辨其真假以寫事大 寫五十年一日未嘗捨筆以臨池之樂忘其寢食外 李壽長字仁叟號貞谷自少為字刻志鍾王老而 酷矣筆之晉猶詩之唐斷爲千古絕調固天 古今而非人力之可到 其聲利貧窮寒餓之憂無足以動其中其用功專而 書家代出各自為杏村匪懈聽松孤山蓬萊石峰 我東自羅麗以來歷數千 主 所

與翁 唐 而 材王氏之佐命矣余嘗謂天地間詩翰不可復見晉 一疑 獨為晉者絕少豈非以憚 亦堯 為學者 若是乎學晉之難也孟子曰服堯之服誦堯之言 獨能用力 而近幸有洪滄浪為詩能一 者半不知者亦三四矣子寅锡 然而世方貴耳而賤目其晉其唐信者 并 而 已 僅數人唯全生 一世意者天之生二翁以文明東國者意 一楚莊見優孟抵掌而疑叔敖之復生今 於古人所難終成其功可謂挺世之偉 獨 得適勁而餘皆自槍無 其 蹴 難而不為之歟間有 而造開實之盛適 集省 斎

以用供戶一卷下 獎不已 八章又 李君壽長會於 携絹牋丐君墨妙者日累數千人君或楷或草信 盖謂書以心為本也辛卯從通信使入日本日本 方善書者朝廷以君應羹堯見書大悅日君之書法 揮灑案前堆積片時雲空日本號能書者咸稱日 **与整有力可謂東國第一手自寫所製養心論贈之** 書法得之鍾王顛素大而愈奇小而彌妙且其草 園勁尤不可及可謂體兼衆美者矣晚年溯書學 命以泥金臨鍾王帖每書進 宣醞而厚齊之已丑清使年羹堯要見東 肅宗朝召入禁中 命書御製詩 上見之嘉 古四

源彙分類聚名日墨池揀金明白詳該真後學之

指南也 侍懒 即軒撰李

嚴漢朋

嚴漢朋號晚香以善筆名其胤啓膺來示家藏各體 諸帖如入武庫中戈矛劒盾森森逼人毅然有不 犯之勢何其壯也雅韻雖少遜諸名家若其雄深 健當爲石峰後一人不有天才人力之兼到其能

勁

余自幼少時見晚香齋書法未嘗不心醉但恨年

類內蘊不屑姿媚所以名損於實也

知事撰

未能上下商論新刊草千字真得二王妙處

池

我東近代所可得朝卷姜憲

雞正帝見朝鮮谷文歎其楷法精妙其後勑行責送 一匹紅錦爲潤筆焚香宣詔召公書景化門三字而 撰

持去揭於太和殿東登化門傍母祭記

曹匡振

曹匡振字正南居平壤口訥自號訥人家貧遊學四 金石氣尤長於臨摸古法行草類劉石菴指隸擬 方智李圓嶠書晚乃大悟深得顏魯公法髓有篆隸

快哉亭扁即其指隸華使見之大驚以為東國有此 水屋屈鐵鎔金不似世間書天篆雲雷不啻過也今

识明失事

影小

士

代宗匠 之臨董書亦畢肖其真凡習於東人一種 宜 變無不為之非具大神通力何以與於是也 者於董書門逕大異不能仿其一撇 不已搦百本以去紫霞申公緯秋史金公正喜皆 盡其亭之大 手要一見或該以家在千里今已死矣華使恨 水以東未嘗有也仿博明書較之原本殿最 石金尚書為箕尹欲試訥人大字書乃於練光亭 濡 毫如牛腰訥 加推許秋史公有目着雅奇拔惟偉挺 聯付數束紙亭可三十間 人解 波而萬 作 木强風 箱斐 化 惜 氣

步行墨如蟻行盤中書一 翼字叉書戰字觀者辟

蜀士得之作書謝訥人厚有贈遺桃雨 非手目之所及也大加賞與翠微申太史携入 外始驚結構之妙金公嘆日戰短翼長而疎密 在欄梐上迫而臨之不能辨工拙乃懸諸五十武之 八燕有 相

金鳴國

畫師金鳴國者 仁祖時人也自號蓮潭其畫不法

古而得之心尤工人物水石善用水墨淡彩為之主 神氣格而絕不作世俗丹粉藻節之法以取悅

**熙朝铁星** 卷下 目為人疎放善諧謔嗜酒能一飲數斗其作筆必 共

得意者多在醉後云人有造門求畫者必旣酒 位置鬼 痛 布付家人日充酒材使我得數月快飲既而僧來謁 持大約就乞冥司圖用細布數十疋為幣鳴 大夫邀致其家者亦多置 筆故世稱 飲至醉遂臨綃繹思瞪視良久一筆掃盡其殿 國 揮 日汝姑去俟我意到時為之如是者 灑筆益肆意益融淋漓面聽神 物形色森森有 爲 者 酒狂 率用 而其知者愈益奇之皆有嶺 和 尚 氣 比丘 而其猝而前者曳而刑 酒以浹其量然後乃肯 而爲之僧見之愕 韻流動盖 數四 自 國 者

**嗟異日公誠天下神筆也拜謝而去今其圖尚在為** 者髮之見者髯之緇者衲者采以易其色頃刻 沙門之實云鳴國死其徒有狽江曹世杰者傳 筆意愈新無迹 僧曠蹙曰公何誤我大事願以此茶毗 僧市酒而至鳴國仰而復笑乃引滿而倚酣援 而喘曰噫嘻公何誤我大事鳴國箕踞而笑曰爾 明佚 以水墨人物見稱然未得其神髓也能 生惡業是惑世誣 國笑日爾徒欲完此其益市酒來吾且為 起下 可求寫訖投筆復大噱引滿 民則入地獄者非 爾徒 而還 七七 嚴 我 文的 而誰 僧環視 筆 而 也

秦再奚

師泰再奚 英廟時以畫擅名尤善傳神大宗

伯

**晔容安忍更畫虎龍乎至今凛凛有生氣矣聞其孫** 徐尚書嘗於筵中奏日秦再奚當虎賊熟盡之日 不執筆鏡黨再喝之再奚日此手已畫 先大王 苦

可之仍差別軍職兼 記山

窮不能自存云請令軍門相當窠除給少酬其忠義

金弘道

弘道字士能號檀園美風度磊落不羈人目之以 盡山水人物花卉翎毛無不臻妙尤工

奇無金可易適有乞畫贄錢三千乃捐二千易梅 蔭補官至延豐縣監家貧或食不繼有人售一 足多也命寫金剛 仙皴擦句染軀幹兩紋不襲前人自運天倪神理 捧 進一畫輒稱旨當粉堊巨壁命畫海上羣仙使官 爽奕奕怡人藝苑之別調 百沽酒數斗聚同人作梅花飲二百為米薪資 水 計其疎曠如是子良驥字千里號何園畫有家 墨數升脫帽攝 洶 洶欲崩屋人踽踽欲凌雲古之 影下 四 郡山水命列郡厨供異數也以 也 IE 廟時供奉內廷每 大同殿壁 大 梅

法型型山

崔北

九龍淵樂之甚飲劇醉或哭或笑已又叫號日天 工畫 者得不墮舁至山下盤石氣喘喘臥忽起劃然長 北 人崔北當死於天下名山途飜身躍至淵傍有 眇一目當帶靉靆半臨帖摹本嗜酒喜出遊 七七者世不知其族系貫縣破名為字行于時

六升市中諸沽兒携壺至七七輒傾其家書卷紙幣

盡與取之貨益窘遂客遊西京萊府賣畫一府

響動林木間棲鴨皆磔磔飛去七七飲酒常一日

終歲 綾絹 閣者 錢少則七七輒怒罵裂其幅不留或不得意而過 詩之七七擲筆起日唉紙以外皆水也盡得意而 识明快事 與西平公子圍碁賭百金七七方勝而西平請易 子七七遂散黑白歛手坐曰碁本於戲若易不已則 不知價於是自號毫生子七七性亢傲不循人 而稱 直 踵門者相續人有求為山水畫山不畫水 不能 嫌舉姓名入告崔 則呵呵笑拳 直 長閣者 了一局矣後不復與西平碁嘗至貴 水場で 其人還負出門復招而笑彼堅 何時為政丞七七日吾何時為 直長至七七怒曰胡不稱政 式

家意 寫澹 然尤善 不應 直 生 然其言時 以備倭倭固習 耶不見主人而歸 話窓至曙 墨竹數幅七七為介言 耶若欲借 匠始余因李佃識七七嘗與七七遇山 則彼自渰 花卉 栩 有妙悟實用 世以七七為酒客為盡史甚者 傳諸書爲詩亦奇古可 毛怪 銜 死繭何苦三南赤子騷擾 水 而顯 戰 石枯木在草 七七晝日傳於世世 而我俗不習水戰倭至 稱我則豈 者 類此李佃言七 國家置水軍 戲 可捨政丞 作翛然超 誳 而秘不 為複 稱 幾 崔 而 房 剪 萬 筆 稱 而 Ш 以 取 直 墨

死於京師旅邸不記其年壽幾何集陵

林熙之

林熙之自號水月道人漢譯人也為人慷慨有氣節 物猶能蓄琴剱鏡研就中古玉筆架直七千比家直 字畫奇古不類人間字善吹笙人多學之家貧無 寫輒書水月二字必連綴之或有題語如符錄難解 累日不醒善寫竹蘭竹與姜豹庵并名而蘭則過之 圓 面戟髯身長八尺崢蠑如道人羽客嗜酒或廢食

思明共享一卷下

所居不過數樣隙地不半畝而必鑿一池方數尺不

丰

倍之叉蓄一姬曰吾無園圃養花此可當名花一朵

得泉集淅米水注之渾渾也每嘯歌池畔日不負吾 水月之意月豈擇水而照乎不藏他書惟晉書 迷倒號呼佛菩薩僧而熙之忽大笑起舞於雲黑浪 泛舟向喬桐行到中洋大風雨幾不得渡舟人皆 之間風定人問故曰死常也而海中風雨之奇壯 羽衣横吹笙行十字街上邏者見而為鬼皆走 可得能不舞乎鵝毛編而為云夜月明雙髻跣

田 琦 誕類如是堂

被

田琦字瑋公號古藍順而秀幽情古韻盎然如晉唐

向陪翁參妙理嫩寒清曉到孤山墨汁縱橫當草 有三截句云平生不識棋花訣會裹槎牙苦未刪獨 初 作千秋也南歸後碧梧草堂見古藍棋花書屋圖 Ш 論 眼 青李齊頭 須珠量 到非學元而元者也為詩則奇奧盖人云不云而 中人作山水烟雲蕭寥簡澹輒造元人妙境筆意 居士曰古藍詩畫非直當世寡傷可以上下百年 力筆力不在鴨江以東也年幾三十病卒于家壺 也昨秋余南下時訪余有惜別之意豈圖此別竟 鐵圈於幢幢短燭蘆簾底夢落銅坑雪 卷下 樹春五兄佳句關清新短界 主 幸

恐明失事

詩境憶否巡檐索笑人幽澹可誦顧以七十老夫書

果朽斯人十指無壺 子遽爲千古客塵寰餘債意全孤雖云土壤非情 三十少年事如古人焉是可忍數乃以一詩哭之自 記山

物

白光炫

太醫白光炫生於 若愚人身長大好鬚髯目炯炯有光初善醫馬專用 仁祖世爲人醇謹在鄉里恂 恂

療之不本方書久益手熟以試人腫癢往往有奇

遂專以治人為務以是周行問問得視人腫瘡甚 知益精 而鍼益善凡疔疽毒盛有根者古方

然明失事 病 故病者 死 懈 功 然後 性然也余年十五時內舅姜君病唇疗邀白太醫 之日不可為矣恨不前二日見之急治喪具夜 者無貴賤疎親有請即往往 用此名聲大振號曰神醫 輒 夜果然時白太醫已篤老而神識尚全能 而光炫遇之必用大鍼决裂疏毒拔根 加秩 初 止不以老且貴為解非惟為技能所使盖 日集其門而光炫亦自喜其術為之益力不 則用鍼過猛或至殺人然其效 至崇品而 歴 職為縣監閱里柴之然其遇 肅 必盡心極能見其良 廟初選補御 而活者且泉 主 能 醫有 轉

死生不失毫髮其在盛時得神效起死云者非妄語 淳者亦以治腫名今世疔疽决裂之法自白太醫 也白太醫卒其子與齡嗣為業粗有能聲弟子有 世無白光炫噫死而已矣毙 而後學者皆莫能及焉人有病疽毒難治者 嚴 朴 始

趙光一

趙光一其先泰安大姓家貧客遊寓居合湖之西涯 無異能以鍼名自號曰鍼隱生足未嘗跡朱門門亦 無 、顯者跡 然吾嘗過生廬清晨有老嫗藍機匍匐 也某村百姓某之母也某之子病

鏚 勞苦乃爾生笑不應而去其為 件 後 之何其來往 而得 惟自喜為醫其術不治古方使湯藥常以 効 自隨中有 徒 澹 敢马其命生即應归諾第去吾往矣立起踵 問生何之日某鄉百姓某之父病嚮吾一 期是日將再往鍼之性 行無難色嘗遇諸塗時天雨道泥頂蒻跋 其解者也余嘗問曰夫醫者賤技問巷卑 精通瘀隔 銅鐵 遂得狎而交焉其人疎坦 疎風氣起跛 鍼十、餘長短 而 整無不立應盖精於 問日 圓稜異制以是决 人大器如此余心 何利於子 易直與物 量 小 鍼 癰

朝铁店 卷下

乎生矣日吾疾世之醫挾其術以驕 屬家設酒肉以待率三四請然後肯往又所往非 年 間 也 千人吾今年四十餘復數十年可活萬人活人至 以子之能何不交貴顯取聲名乃從問卷小民遊 家則富家也若貧而無勢者或拒以疾或諱以 矣或日療數人月活十數人計所全活不下數 所哀憐獨 百請而不 而不干於貴勢者懲此輩也彼貴顯者寧少吾輩 余間而歎曰今人有 問巷窮民耳且吾操鍼而遊於人十 一起是豈仁人之情哉吾所以專遊 能能 於人門外騎 則求售於世 餘 相

則唾而不顧趙生術高而不干名施博而不望報 以薄惠則操右券而責直俯仰勢利之間無所

必食陰報生其有後於是邦乎其溪 人急必先乎窮無勢者其賢於人遠矣吾聞活千

李益成

李盆成 能向渠作僕隸事乎乃辭去專攻軒岐之學十年 照良醫也使益成供烟吸益成怒不肯日我雖微 正廟時人少貧客於一官家邀許照視疾

成診照先在座避閤中益成援筆書白虎湯照出 以良醫聞 朝鉄事 一貴人病陽明許照治之累日不效請益

地で

置

手謝 熱此以火攻火也其精敏類皆如是有氣節雖貧賤 列銅 地 敢 之命術者筮之謂鬼爲崇將以此釀之益成笑日 徒善醫兼善職法不必遠致術者乃搬列於前拾 夕 從此不復醫矣一進而即痊一官家子年前一 從 小錢買巴豆數顆納瘖者鼻孔少項一噴嚏而 器 暴瘖百醫難效益成往視之過內庭見南榮 日我許照也吾豈不知有此方我特老 故曰少年夜有勞慾火上克肺金故瘖巴豆 袖 五六以錢實之益成惟問之其父日老妻 中出一紙果白虎湯也照日可讓此人 而怯未 頭

厮養必殫力而療不以禮 相之貴不能

庾纘洪

North St. I.

庾述夫名纘洪隣有塾師述夫往從之學而聰領 誦諸生分曹課業師謂諸生曰明早有能誦離

見教又甚畧述夫即歸讀及曉諸生大集述夫 經者許百畫且與之賞述夫指鄭學士斗卿門語 有庾纘洪者願學楚辭鄭公素高簡不時見 袖

復力學間從奕者遊盡其技每朝講師 楚餅背誦不錯一字師大驚述夫自恃其才逐 日使汝不讀書者此也然其皆 奕益甚出 輒以木 礼

铁 上 影 下

둪

此时 晚輩一 或罵 勝 閭 述 源 渡 善奕者 諸 夫年 而 以神奕稱時有尹弘任者亦工於奕然於德 述 豪富家亦皆盛酒食邀致之述夫一下子左 如 着 聞其 夫 朝 泉皆 堵 少時氣豪甚嗜酒善詩挾技藝遊公卿大 壓 角無敢敵者一時推為國手先是宗室德 出 及德源君既老弘任乃勝之述夫以少年 墙 至豐 風爭招延上坐請觀奕無虚日 弘任上論者以為德源君老弘任僅 倒 掩耳避 弘任 足立終日不能去述夫性亢傲 方疆時是述夫德源君之敵 而或且怒 反訾辱焉及醒 后而下 源

與使臣唱和 相 姬家其家訴之編配南漢府尹素聞述夫才見即 酒酣 之然述夫竟以此崎嶇屢困不得志於世晚年益 語即所言悉厭人意聞者無不悅不忍以酒過遽 會婆娑里巷間日夜樂飲無酒則往往從人家索 燕歷覽古長城渤碣之勝遇感發處輒引滿痛飲 白冤于 明铁车 而飲之酒述夫醉或平睨府尹而爾汝之後有宰 自放不顧家人生業與所善友數輩相逐為詩 以往即 卷下 視俯僚蔑如也同行多嫉之及歸家 上釋之既還為司譯院判官隨冬至使 據地歌呼烏烏然竟夜不已嘗醉入 美 階

親說無不語困之者獨不及於余余故得其人甚詳 盖 身或者調之妄人然其才實奇智慮明悟即用之當 砚 歲述夫不以凡夫視我每於廣 壹欝不平之氣一皆托於碁酒坎軻落魄以終其 格时一 古所謂跅弛不羈之士也抱才藝無所發施 佚 其 何遽 不收只有數百餘首藏于家余生後述夫二 一十餘年卒年七十當自號春谷子所著詩率 生 不若人而貧賤院窮竟不振以死悲夫余獨 於大且遠者其可觀豈止於此而已也 所嗜不過為 一王積薪向使述夫移 坐酒樂雖平生所 柳

金鍾貴

局 步鍾 焉漢與與鍾貴并名而時方年少自以爲無敵害 更 馬饑鷹鍾貴手龍鍾下子如不勝重審其勢輸已 鍾貴之後得三人焉金漢與高同李學述學述尚 鍾 金 攬局 古來名手未聞以一局作 貴賭善觀者如蝟漢與目光透局橫縱背觸 一鍾貴以春名世人稱國朝第一手年九十餘而卒 矣觀者相與附耳而語曰今日一局 貴推杯 而坐瞪視良久忽出一奇如截 而歎日老且既矣留待明朝神稍清 兩日着鍾貴以手擦眸 流斬 可讓漢與獨 關竟リ 如験

紀明失事

悉下

丰

敗 局取勝 座驚歎此可謂不畏其不誤而

者也壺山

金聖基

譜擅名者衆然卒皆出聖基下於是聖基旣負其絕 名又善洞簫琵琶能自為新聲教坊子弟往往學其 聖基者始爲尚方弓人旣而棄弓從人學琴以琴 耶 妻子生產人有 以賄交者不苟取家日益

野門 月明 搖 磔磔蘆葦間 櫓中流引 隣舟聞者皆起立彷 洞 簫三四弄聲甚悲壯江 上鴈

買

舟

西

湖上手一竿

往來釣魚遂自號釣隱遇江

宴自是聖基不入城好事者或載酒之江上輒 善告變其往告我我 宮不果然顧以熟封東城君自公卿以下不敢 當是時胥人虎龍上變書旣大殺舊臣漸以 琵琶使者前日為我語虎龍吾七十何以女為 城 爲樂亦數弄而止其後二年而虎龍誅宜陽子曰 明块事一卷下 不來吾且大困汝 使者至數輩固詩聖基固不往虎龍慙其徒脅之 日飲非子無以為權願子少顧 君指虎龍與其徒飲酒具駿馬從徒往請 聖基方與客皷琵琶起奮髯鄉 死何加虎龍聞色沮爲之罷 我聖基辭以 天 聖基 用 懼 疾 洞

沮 迺 也君子不齒然及其義有所激卒以其技成其名 漸離舉筑而秦政折其驕雷海清投樂器而祿 獨 磊 、氣金聖基擲琵琶而虎龍亡其膽三子者皆賤 磊 知國史能書聖基事否姑立傳以俟 如此高雷事史記 綱目皆特書至今照人耳 淵

劉雲台

於先後 體 雲台鳳山盲人也七歲失明自六歲已讀史記 詩失明後勤學十三誦經書讀易而有悟肆 鳳岡先生人有來決疑事者 天之學大通於卜筮百無一失遂鳴于國 隨 一而

悌忠信之道故世以為有嚴君平之風紀

曹生

子無不走見之而其走如飛其懷袖充然者書也書 已售携其贏走爐上沽飲醉日暮走而歸人未嘗知 賤賢愚皆能知生之為生也生日出而走於市走於 巷走於庠塾走於官府上自縉紳大夫下至小學童 曹生不知何許人以醫書走於世久已故見者無貴

而不易也 其處又未當見其飯食而一布家一草履走更時年 太祖我 英宗辛卯以朱璘所著明紀輯畧有污 仁祖之語控于上國大蒐天下火

紀明失事一长下

芜

之詰其故生矣日生今在何走乎或有問生年者生 笑目忘之已時或日生年三十五今年問者明年復 走遠方以故獨免焉後歲餘生復來走如故人順異 或目生年已數百歲生瞠目若安能知數百歲事 一善戮賣書者於是國中鬻書者舉就誅而生先是 事也 生年奈何不過三十五云爾生笑日人生三十五 不能難然酒後往往道聞見者默考之則百十 好故吾欲以三十五終吾年而不加數也好事者 問生苦賣書何為日賣書以買醉耳書皆生 解其義耶日我雖無書而某氏藏某書若工

歲某書自生賣之若干編是以雖不知其義亦能知 書也天下之知書者亦莫吾若也使天下無書吾不 某書為某著某釋幾套幾冊也然則天下之書皆吾 經畹子日始余七八歲時喜見生生亦愛余甚數過 余余今髮種種已抱孫數歲而生則長驅朱頰綠瞳 走也天下之人不買書吾不得日飲醉也是天以天 生不息則吾豈特了天下書也將以了天下人世也 吾以書閱人多而天下之智愚賢不肖比類從羣生 祖之父買書而身貴顯合也其子孫賣書而家窮宴 下之書命吾而以吾了天下之書且疇昔者某氏之

鳥髭願曩日曹生吁已奇矣當調余日人欲長年藥 問我也噫生固有道而自隱玩世者也夫斯言也會 餌 不及惇行孝悌陽德也子為我喻天下人母使苦

廉時道

是老莊氏之所可得道也哉秋縣

館閣金公家物公即清城也甚韙廉欲仍與之不受 廉時道者許相家人也當道獲遺銀數鎰窮覓主乃 所凸奴候拜謝目向既醉失主家嚴區雖暫詭告

幾終斃於挺矣奴有女年十許歲投前泣日見當以

身酬活父之恩廉揮之去及途堅獄起謂時道

似明失事 容即命放出及回鑾果雨南囚將李森出獄時項鎖 免其坐且資貨使為家商販後因貿易往嶺南某邑 生蟲矣 時道伏蹕路奏日釋南犴冤囚天當雨 遂掌歸妻焉家清城家側廉每為其主鳴冤豐原趙 言其父母已凸身既免而矢爲君子婢妾以報前恩 無德若忍又同禍强遣出竟被執時清城判金吾 裝尼服探訪日攢派星斗今果天從人願廉感其誠 公訪其裔 雨村舍忽一女族忙出拜乃清城家凸銀奴 瑣委 開巷 一孫在掌苑吏叉聞 松下 英廟嘗親行祈 圭 上爲之動 也 雨

即車車

金壽彭

為度支吏清白自守有弟為惠局吏當至其家盆盎 金壽彭 之日吾兄弟皆厚禄而業此彼貧者將何業命覆之 青決決流滿渠嘗持牒至尚書家請署方與客碁點 列庭黛痕漉漉問何用弟曰妻為離染業乃怒而撻 首碁如故不輟壽彭歷階而上以手撒碁而下曰 英廟時人做儻多大節有古烈丈夫之風

尚書

死罪然此國事不可緩請署付他吏行之即辭

謝止之時以民間女充宮人壽彭女與其選壽

禁闥擊登聞鼓凡選宮女以掖屬勿取民

間

命著為式從壽彭言也贊日聞幼時家貧其母躬裝 炊之勞竈下得藏雖還瘞如故售其家始語目

不祥故不取噫非此母不能生此子遠

庾世通

能婚葬者必經紀之胥吏之居憂者在家挂廠出則 貧爲籌司吏持身儉約有古長者風窮族貧交之不 庾世通字公元事親孝父沒廬墓三年哀毀過節家

**承常服世通母沒悲其服華告之廟堂白笠而外黑** 團領而壞色自世通始也讀書必自周易論語中

松明 失事 卷下

不見邪淫之書並山

圭

申斗柄

申 斗柄不知何許人好讀參同契為承文院散員事

終有一女綽約有仙姿持誦道書造次不撤年過幹 以干禄今姊沒矣何用祿為遂拂云而去竟不知 大文字皆照管院有事不待報而必先至不使人知 所居如是幾年忽投狀告歸曰有寡姊無以養所

而未字於人亦不知所終壺

記山

文金生員

文金生員者額寢龍鍾自稱生員 選入宮為淑媛門戸暴盛淑媛有弟聖國為 英廟時其女姪 蘇祥

恕明铁声 我以八十九十所與觀者為十遭二十遭為幸當如 自今日為吾大歸之日吾當歲一來見一觀猶奇假 今吾垂七耋雖死無憾吾將棄家遠遊以終吾身請 歎日凸我家者聖國也不去將及累乃謂其妻子日 市親舊之第而食於家者皆曲謹奉之少忤其意輒 側 怒罵若傭丐常出入街巷白裳銀鞍酒光拂拂人皆 國素猾悍不學又嗜酒及為宮監裘馬之富聲伎之 惟日不足儇婢健僮指顧承趨門庭宣 目生員戒家人毋納聖國饋遺絕不與來往一 而淑媛恥生員之貧欲屬語宮禁苦解而止 念下 畫 関日夜

10年車二/統

母姓也故里素相知者皆號以文金生員每歲窮 來省邱墓歸過其室一宿而去八十餘留不去 何 **厓寺洞觀聞輒投止止必遊行所至常稱金生員** 即 日理節屢與妻子訣遊域內名山川穹林絕

(

國

寫食乎家居歲餘而卒淑媛竟以罪死聖國遂亡焉

死庶乎免矣忍以父母所遺之身死於道路為鳥

吳孝婦

吳氏婦 女居能 者小家子也其家在十字梅傍早寡與其 潔酒食以祭祀隣里稱其有婦行

風其隣 火及其屋勢益熾不可復入頓足號哭日吾家兩 人夜失火急聲鬨 巷婦方寢驚起走

神主將及火矣豈可棄神主而吾身獨全乎欲冒 以入其二女泣挽臂止之婦不聽撇其臂奔入登 一探主處時火益急婦未及措而火已及身遂大

烟

呼 擲樓 人异致其家即死族人憐之具棺槨以葬 下氣絕路人聚視之身皆灼爛無寸膚完其 集浣

翠梅

盗米四百石事覺觀察使洪公將按法誅之指 湖 西公山縣有吏金聲達者為山城守倉吏幻簿書 日馳

明共与

念影下

三温

聞 男女數百填門而入譁然盈庭一女兒被髮直入 不肯去。 夜有一女兒詣慕府叩門號哭甚哀即聲達女也 良久曰吾將思而處之衆乃退而女循蒲伏涕 大號活我父公為之改容問民衆何為也衆日 故 牒悲不忍讀權辭慰遣之翌日公視衙有民衆 國殼罪死無惜且民等非其族屬以其女情 日及 、捐穀一 自其父始囚朝夕躬持飯發往食獄中 右亦具以昨夜事白之公惻然止 聞當 石 總 死途絕口不食女輒首 可數百石願 以此贖其死公 叩 其狀

提紫曹娥亦有難者矣女名翠梅時年十七云流 片言而動數百蚩氓一朝而得穀數百以脫其父視 家輒哀號告乞以感動其心昔緹紫以一書免父於 還其得穀於衆也用一畫夜在奔疾走福歷數百家 刑曹娥赴水死抱父屍以出史傳美之然是女也能 不食女請先死且為詭辭以慰安之見其食已

安峽孝婦

飲皆須婦非左則右勤於夫在時父母風其改醮婦 安峽民家有女年十七嫁于伊川農家數月夫病 姑 老且盲無他子女婦縫續備賃以供姑 動

积

明共事《长下

三宝

日人各有志何容 家相邀引姑手歷指日饑來飯斯須水在彼仍芒芒 薄任之而已他日母托病招之婦不得已詭告賽神 至家母寔無恙日汝知有夫之母而不省身之所 鞠抱之情 遽向外 優將遺姑耶從當有以送之盖誘之也婦揣其意 我莫以終其年起立將辭母日汝言良嘉然何 婦 日非 顧 賜以瀹鷄魚狗婦畧舉七捨肉母笑 矚 無暗 敢爾也母自有佳兒婦奉侍膝下姑 離鄉久村樣 相强况我去置姑於何地命固奇 包幾 塊肉竟 不可復識兒嬰時 出門奔 巴 山 细

我去哉遂從之步步棘針石齒披星戴月夜半乃 獸在前蹀躞認為家畜之舊桃喜曰是能

也隣人嗟異之聞于知縣復其家頸 姑荷荷日何其遲也取懷中肉置姑前燃燭 水於鐺聞聲甚厲 有虎出庭方悟俄者之非猴伊 聞巷

金家母

鬴中實白雖區揜之無知者他目托其兄貨家索居 金鶴聲母蚤寡鶴聲及弟方在齠敞縫人衣裳翻 見從師一日聽檐溜滴地鏗鏘下視之地埋

恕 小 朝头事一卷下 **蔀後以夫祭日置酒邀兄至二子亦在酒喟然** 美

先夫以是遺孤累未凸人恒懼其成就未果以餒 舅姑若夫之靈今吾竇既皤二子能繼父志早晚溘

然泉壤之下足以有辭因言瘞金之事兄日胡若 浼焉曰財者災也無故獲鉅金必有奇災且人生

知窮乏二子尚幼使慣於汞食之安則攻業不肯盡 不長於貧困之中則詎知財之來不易故移吾居

前者也迨母壽終瓜瓞充問人日母之報也 断吾念如于窖藏斯吾十指上辦出非比忽爾

寔

高節婦

姓朴其夫姓高良家子也家居南旌岘夫

心明失年一ば下 至夫死百日之其墓慟哭而歸是夜遂引决乃今知 悉遷之聚于一山其未同穴者合之既畢始告時詰 祖墳側既而盡賣家產以錢五千寄時詰問其故答 無子女夫族單無可立後者節婦從容辦殯飲葬于 人血可救節婦即割其臂出血椀餘灌之不效竟死 姑之子安時結余舍人也為余言高病時或言飲 無子又無族誰復主者不如遷之使骨肉相聚也 偶然爾其夫家墳墓多異山乃潛出與守墓者錢 門觀者闖咽或詫或泣太息目烈女也節婦夫之 節婦以刃自刎而死年二十八死之日一卷驚動 圭

寄錢意余聞之亦不覺失聲曰噫烈女也余復問節 婦平日有可觀否日平日顧不踰人余日然古之忠 義士多如此甘於言者未必踐實有非常之德者

或遗小謹節婦奚以異雖然其死也人皆可企其從 容也讀書之君子循將病其不及嗚呼洵節婦也余 家矣無族矣旌復無所施矣悲夫於是秉燭書其事 又念節婦雖如此其偉問巷之賢難聞於朝雖聞

使時結碣于其墓題日高節婦之墓無

嚴烈婦

婦朴氏其夫嚴載禧晚香齋漢朋之會孫也

以 厢 無戚容臨队語其母日免於父母之懷今幾年乃褫 **永入母 寒** 夜 期 他術家言亦如之婦語其母曰吾死可辦夫生不 惡煞其應在夫婦死夫乃生婦之母間而惡之試以 禧皆寢疾烈婦視護不少解姑命日者推命日 而况術者之妄誕類皆如是者乎夫病日益為婦婦 下形 月头自一长下 而起母日奚之日如厠母睡而覺燃燭蹤之臥 母慰之日汝死而夫必生汝死可許此乃不可必 彌勒舅姑恐其勞且病許以歸家歸寧之夕笑語 神雜矣盃椀 中撫其乳而吮之作孩提狀夜將半忽攬 在側餘瀝乃黛鹵也時年上 灵

嘉慶壬申之七月也夫病尋愈今年四十八其男性 簡尚在為余泣道之如是壺山居士日婦死而夫 則

**革使百日者揲蓍而陳死吉生凶之理終竟死乎** 壶 死婦之一死良足千古况婦死而夫生者乎此義可 古往見必死之地而苟生偷活名身俱滅者何限 與 日月争光而乃云酷信術者區區無足辨也默數

河節婦

河氏居德川其大父松京人父千一徙嘉山家焉嘉 辛未冬土賊洪景來陷嘉山千 避兵流德

兴 也於是德之人怒其苦節囑葬師該風水不吉移之 爲巢居墓側工鍼線雇直供祭奠蓄其贏製丈夫 貧生一子已而黃死父母欲奪志氏不從養蹟之 開曠處塚傍起一媛房以處氏亡何失 終其天年始黃之沒家益落葬于深谷里德 面 而谷又蒿里也馬鬣纍如狐狸畫學氏携稚子因 明失年一一长下 母又强之嫁氏就 随家 璜生日焚于墓蔵以為常悲其平日貧不具冠裳 一還于嘉而歸氏于德之士人全麗璜璜亦 不出 房闥 因 裁縫往復人家必夤深夜豺虎 就殊不死仍 廬 居且三十年 稚子盆無 弄 固深

或賜與皆卻之已亥歲大侵人有贗氏名呈文乞賙 生今年四十九守宰及使客之道是邑者往往存恤 不 助 質氏覺大駭首于官辨偽名狀侯曰無論真假 郡守鄭侯憲容許米豆十餘包而氏不知也及村 汝 敢近行人避路百步外盖化之也氏 壞金志卿好古士也旅遊于德余馳書凡三 辭不受庚子春余客于浿聞氏之行過于德土人 點氏居 薪水也氏目突未四一縷存沒胡大事敢累于 大山嵯峨長江波立延頸個徨為之凛然 然 正 廟 一復 丙

李孝女

導然查不得自如是凡三度至辛卯竟得疏釋 營校緝盜因非辜逮獄當死女始十二歲號泣訴 于茂山茂在 勿憂不報喜華之知其妄然不覺失笑强為之飽 府家貧乞諸道以供父八年無少缺方持飯入牢 朝 作喜色華之憂憤不食女假意曰某公出力相 乞到午晚乞到昏必求生物不以餘餘進也是 ·孝女平壤人華之女也道光甲申春華之為討 繭足赴京師鳴金雖路胥吏輩皆感其誠曲為之 北 鄙絕域女徒步隨行竭力承養茂之 助 每

犯明失耳一多下

罕

義故便養之物無遠不致居五年遇赦放茂之人揮 行六千餘里旣還居大同館下故業益蕭然女悉意 幹 則爲兄弟窮則變胡越閱之飫矣今蒙天之佑如萬 聞女之風莫不愛慕競使妻女從遊女接之有恩 華之將擇婿而嫁之女曰父無子惟一女女若 辦数年之際資用稍裕律身有法於是求昏者 無往不巧初則黽勉而應之再則蹙頻而與之樂 而送之女亦盡散餘財遍及隣里凡十三年之間 誰為養吾親者且余乞于市始就其親厚者終至 朝 成仙若更委身於人從夫傷孝從父違

申前 吧、 脆 道二之則不專天下焉有男子視婦翁若若翁者 察使臣某平壤府庶尹臣某具以 至情未免廢倫凡婚嫁過時者嚴飭搜訪自是法 終不聽壬寅秋直指御史金公益文聞 分付道臣以此曉諭何如 明失年一卷下 產業自奉甚薄而供華之頗修循恨不綾 弱言貌無異於人性安詳雅好花卉時常灌溉 一戶之典以聳觀瞻至於為 日四度鳴冤千里隨養苟非至誠 說 不聽余當招問華之女今年三十有一 上日依於是平安道觀 其便養矢志不嫁雖 何以若 上諭開示女 于 罕 是合 朝 一禀質 禮 施

原車

歟余曰昔徐仲車先生年過壯不娶曰娶非其人將 裹華之也或日女之行不愧緹縈不嫁於人不幾過 母病噫女之志即仲車先生之志也無後之群非 子之責余故日工於事親者可以知孝女之志也

箱类物

蓮紅

蓮紅初名雲娘嘉山妓也嘉慶辛未冬清北土寇洪 父與弟蓋同時遇害時紅有嬖于守聞賊報首告于 來稱兵犯嘉山郡守鄭公蓍被執不屈死之守之 賊闖入恣其凶鋒紅居隔郡舍一籬夜深覘

山 夫和者盈箱道光丙午紅旣老死平壤父老言紅 守大司馬落雲娘樂籍子土田復其身紅送喪至 洞 浿 與衙客朴生傾家財募死士收守父子屍飲而殯之 賊散往視守之弟被剏未殊負入其家將護得 已而官軍至護喪南歸事聞 月失耳一人公 相公鎮箕時立廟作迎送神齒刻石于庭 平壤府妓月香密引金襄毅公應瑞斬小西 即 護之時能辨熊魚宜 經 桂 山鄭相國自永柔迎吊作蓮紅詩以贈之士 月香妥侑之所也龍蛇之役倭帥小西飛 加褒異圖像配食于義烈洞 純廟下教傷蠹贈郡 里 談枕

**牌**草車事

領東義婦

領東民男婦寄傭於京城某 官家主家子讀史記王 聞之告師曰填所說願更詳教師言之女出語夫 蠋言忠臣不事二君烈女不更二夫館師時解說

我今日始知人之道詩從此絕盖夫乃改嫁從者

子方乳夫瞠然詰其故女曰昔者從君我只知人盡 且歐晉女堅辭不囘走匿主家自後出入避路其冷 1 夫今日得 子幼難 離抱待養數年取去此足酬於君也夫怒 知有不更之義從今當潔身追報夫矣君 何嘗非烈乎失於其未始 知而悔於

以						万聞忍抛腹乳之兒而不顧是更烈也
						小顧是更烈也要巷

-

1.4 熙朝軼事下 

書熙朝軼事後

章者皆不錄惟潛德幽光散在近世各家所述者廣 絕之女行終焉其貴而顯於朝者微乎微矣而已表 香雖妓籍年壯而猶守紅孝養其父母故承旨黃公 是書首載孝友忠義次及文學書畫琴碁醫卜以卓 門外失火延燒近千戸惟營妓節孝晚香之門歸然 厚而必傳於後矣余嘗按關北節壬子春觀察營南 而連檐傍籬皆灰燼也獰風烈燄至此若囘避然晚 而泉輯不使之湮滅無稱余亟歎編纂之用心至

识明失事一跋

河來留咸與子舍始薦枕焉黃公還京師自矢不

更獨處不接人利誘而威脅之者式目式月踵相 笄而婉慧開於鄉里頑童徐宗業意欲通媒自知其 實而揭于壁者其畧如此云後數載火又發比屋盡 也恐久而不免於强暴乃投并而死并為之智有記 感屢著靈異異哉是年冬洪原有姜處女事處女及 燬亦不及於晚香之門晚香死已百餘年矣節孝之 應元者處女之至親也比宗業而立證之日此已有 私約奚可議他適也諸宗人莫辨虚實皆黙然處女 不可求諸姜族會之日誣以曾於井上贈物送言姜 一厨下聽之念無以暴此難明之冤飲鹵即逝將窓

擴而止亦何異於三年之旱五月之霜也此皆余耳 之夜下大雪柩行之路雪色赤廣 上之三年丙寅季秋朔朝梣溪退叟尹定鉉識時年 识別失其 所賭記者苦節奇冤上動神天尚激感不已附書 此以示來人 七十有四 以以 幅有餘自家至

